



30
25
20
15
10
5

門 413
卷 863
6

論語

史記世家曰孔子名丘字仲尼其先宋人父叔

梁紇

下沒反

母顏氏以魯襄公二十二年庚戌之

歲十一月庚子生孔子於魯昌平鄉陬邑

爲兒嬉戲常陳俎豆設禮容及長

上聲

爲委

去聲

更

料量

去聲

平

委吏本作季氏史索隱云一本作季吏與

孟子合今從之爲司職吏畜

許一六反

蕃息

職見音周

禮牛人讀爲穢

音特又餘式

義與代

餘式反

同蓋繫養養

牲之所此官卽孟子所謂乘

去聲

巴

適周問禮於老子

既反而弟子益進昭公二十五年甲申孔子年三十五而昭公奔齊魯亂於是適齊為高昭子家臣以通乎景公有聞韶問政一事公欲封以尼谿田晏嬰不可公惑之有季孟吾者之語孔子遂行反乎魯定公元年壬辰孔子年四十三而季氏強僭其臣陽虎作亂專政故孔子不仕而退修詩書禮樂弟子彌衆九年庚子孔子年五十公山不狃以費音祕畔季氏召孔子欲往而卒不行有答子路東周語定公以孔子為中都宰一

年四方則之遂為司空又為太司寇十年辛丑相去聲定公會齊侯于夾谷齊人歸魯侵地十二年癸卯使仲由為季氏宰墮下同三許規反都收其甲兵孟氏不肯墮成圍之不克十四年乙巳孔子年五十六攝行相事誅少去聲正卯與去聲聞國政三月魯國大治去聲齊人歸女樂以俎在日反之季桓子受之郊又不致膾音煩俎於太夫孔子行魯世家以此以上皆為十一年事適衛主於子路妻兄顏濁鄒家孟子作顏讐由適陳過匡匡人

以爲陽虎而拘之。有顏淵後及文王既沒之後之語。

解還衛主蘧伯玉家見南子。

徒也

為聲去德之語去適宋司馬桓魋。

反

欲殺之。

有

天生德語及微服過宋事又去適陳主司城貞子。

家居三歲而反于衛靈公不能用。

有二年有成

之語晉趙氏家臣佛肸。

音

肸

許山密

反

以中牟辟召。

孔子孔子欲往亦不果。

有答子路堅白語反荷蕡

過門事將西見趙簡子至河而反又主蘧伯玉。

家靈公問陳不對而行復。

扶又反

如陳據論

語則絕糧當在此時季桓子卒遭言謂康子必

召孔子其臣止之康子乃召冉求史記以論語

歸與平之歎爲在此時文以孟子所記或爲王司城

貞子時語疑不然蓋謝孟所記本皆此一時語而所記

有與同耳孔子如蔡及葉舒游有葉公問答子路不

對沮溺耦耕荷上篠徒弔丈人等事史記云於是楚昭

王使人聘孔子孔子將往拜禮而聞蔡太夫發徒圍之

故孔子絕糧於陳蔡之間有愠見鬼及告子責一貫之

語按是時陳蔡臣服於楚若楚王來聘孔子陳蔡太夫

安敢圍之且據論語絕糧賞在志備如陳之時楚昭

王將以書社地封孔子令尹子西不可乃止史記云書社地七百里恐無此理時則有接輿之歌又及

乎衛時靈公已卒衛君顓欲得孔子爲政有魯衛兄弟及答子貢夷齊子路正名之語而冉求爲

季氏將去聲與齊戰有功康子乃召孔子而孔子歸魯實哀公之十一年丁巳而孔子年六十八矣有下對哀公及康子語然魯終不能用孔子

孔子亦不求仕乃敘書傳去聲禮記有杞宋

損益從周等語刪詩正樂

有謂去

大音太師及樂正之

聲

序易纂繫象說卦文言有假我數年之語弟子益三千焉身通六藝者七十二人弟平顏回最賢死後唯曾參得傳孔子之道十四年庚申

魯西狩獲麟有異我知之歎孔子作春秋有知我罪我等語請語請託陳恒事亦在是年

路死於衛十六年壬戌四月己丑孔子卒年七十三葬魯城北泗上弟子皆服心喪三年而去唯子貢廬於冢上凡六年孔子生鯉字伯魚先

聲去卒伯魚生伋

急音字子思作中庸

于思學於曾

子而孟子受業于思之門人

何氏曰魯論語二十篇齊論語別有問王知道凡二十一篇其二十篇中章句頗多於魯論古論出孔子壁中分堯曰下章子張問以爲一篇有兩子張凡二十一篇篇次不與齊魯論同程子曰論語之書成於有子曾子之門人故其書獨二子以子稱

程子曰讀論語有讀了全然無事者有讀了

後其中得一兩句喜者有讀了後知好之者有讀了後直有不知手之舞之足之蹈之者

程子曰令人不會讀書如讀論語未讀時是此等人讀了後又只是此等人便是不曾讀程子曰頤自十七八讀論語當時已曉文義讀之愈久但覺意味深長

四書大金說約合叅正解卷之六

祁昌穀天祚

丹陽吳荃森右彙輯

受業門人范 榆俊升仝校

汪繼堪子任

論語

學而第一

此爲書之首篇故所記多務本之意乃入道

學而章全旨

此章以爲學之全功示人總以學字貫首節言學
學而章全旨 欲熟之於已中節言學欲人之於人末節言學者
畢竟所以爲已工夫全在時習上學能時習自然有得而悅
自然朋來而樂自然不愠而爲君子觀朱子總註自明○三
句要于各上句之中將學字有明字人不知字畧頓轉出兩
而字下自字方覺下面數字有進步起得三不亦字也陳氏
云學與明來人不知學者通有此境惟時習遠來不愠爲難
下悅樂君子正從此體味其妙想見其品三不亦字予字正
以學之妙境動人使之深思而自悟耳○饒雙峰曰此章重
在第一節而第一句時習二字最重胡雲峰亦主此解

子曰學而時習之不亦說乎

說悅

同

學之爲言效也。人性皆善而覺有先後。後覺者必效先覺之所爲。乃可以明善而復其初也。習鳥數飛也。學之不已。如鳥數飛也。說喜意也。既學而又時時習之。則所學者熟而中。心喜說其進。自不能已矣。程子曰。習重習也。時復思繹。汰於中。則說也。又曰。學者將以行之也。時習之。則所學者在我。故說謝氏曰。時習者無時而不習坐。如戶坐時。習也。立如齊立時。習也。

參太全子曰。人性皆善。欲明天下之理。以復其本性之善。則必以學。以己有所未知。未能而效。夫古聖賢之知者能者。以求其知能也。然學之不熟。則未見意趣。何以能悅。惟既學矣。而又時時重復。溫習其所知之理。所能之事。則其心與理相洽。而所知益精。身與事相安。而所能益固。從容于朝夕。俯仰之。中必有自得于心。而不慊已者。不亦油然。悅懌。雖芻拳之悅。于口不足。以喻其美者乎。

析講學兼知行。言所包甚廣。博學審問。慎思明辨。篤行。皆學之事。勿忘。勿助。無少間斷。便是時習之字。指所學之事。學語。習到熟。後自然喜說。不能自己。令人所以便住了。只是不曾習。不見得好。

有朋自遠方來不亦樂乎

樂音

朋同類也。自遠方來。則近者可知。程子曰。以善及人。而信從者衆。故可樂。又曰。說在心。樂主發散在外。合。參然。是學也。能悅諸心。亦能通天下之心者也。由是同類之朋。凡有志於學者。自遠方來。亦將以我爲先覺。而學吾之所學。習吾之所習焉。則學足。及人而信從者衆。是所得。不獨爲一己之私。而吾之所知。彼亦知之。吾之所能。彼亦能之。不亦歡欣。宣暢。雖宮商相宣。律呂謳和。不足以方其樂乎。析講君子存心。廣大已之。有得。亦欲人之。皆得。然信從者。丁

亦未能愜吾之意。至于信從者衆，然後可樂。○朋來是來學吾之所學，習吾之所習也。輔氏曰：說是自知，自能，而悅樂，是人皆知，皆能，而我與人同樂。張南軒曰：朋自遠來，則已之善足以以及人。人之善亦有以資已。講習相資，其樂熟尚焉。樂比悅爲發舒也。○存疑朋來之樂此見得聖人欲人同歸于善處，當以孟子樂得英才而教育之，來衆看。

人不知而不惄不亦君子乎

問反

愠、含、怒意、君子成德之名。尹氏曰：學在已知，不知在人。何惄之有？程子曰：雖樂及於人，不見是，而無惄，乃所謂君子。愚謂及人而樂者順而易，不知而不惄者逆而難。故惟成德者能之。然德之所以成，亦曰學之正習之熟，說之深而不已。

○程子曰：樂由悅而後得非，樂不足以語君子。令參然是學也，求爲可知，不病人之不已知也。苟所學在我而人不見知，亦惟處之泰然，畧無纖芥不平之意。是真見爲學，是爲已。當然之事，與外人初不相關。則其心純乎爲已，而不求人知。其學誠在于內而不願乎外，不亦知明行至而爲成德之君子乎？要之，時習而悅得此學也，朋來而樂公此學。

也不惄，而君子成此學也，而皆得力於時習學者亦可知。所從事矣。

析講大全蔡氏曰：不知不惄，正是不厭、不倦處。方見時習不已，與天同運，非但不改其悅樂而已也。由不惄，推出君子，蓋至此方是學之成就處。學莫先于成己，故以時習而悅先之。其次莫要于成物，故朋來而樂次之。然其歸在成德，故又以人不知不惄，而爲君子。終焉。○朋指同類人，指衆人。黃勉齋曰：人不知不惄，如君不我用，相不我求，而興端邪說，反以我爲非，皆是。○陳新安曰：已誠有所學，人之不知何損于已？○不惄，然後君子不可倒講。惟君子方能不惄。○翼註識見高，故知其無損于我。涵養定故自然不動于心，非成德之君子而何須要看成字？譬如有樹木長成，便風雨搖他，不動。

有子章全旨 此章首節言孝弟，無不仁之事。下節承言爲仁之本，欲人務之也。歸重孝弟，上蓋孝弟者爲人之本，而卽爲仁，之本也。

有子曰：其爲人也孝弟而好犯上者鮮矣。不好犯上，

而好作亂者未之有也

弟好皆去聲

鮮上聲下同

有子孔子弟子名若善事父母爲孝善事兄長爲弟犯上謂千犯在上之人鮮少也作亂則爲悖逆爭鬭之事矣此言人能孝弟則其心和順少好犯上必不好作亂也

然大全有子曰天下惟孝弟爲至重其爲人也果事親孝事兄弟資質粹美性必恭順雖未嘗學問自是無世俗一等粗暴氣象其有子犯在上之人者少矣夫犯上不順之小者小不順者不爲而好悖逆爭鬭爲大不順之事者決未之有也

析講蒙引云此節據現成者說正孝弟爲仁之本伏案○蓋孝弟卽是本爲人孝弟卽是務本不好犯亂便是道生便是無不仁卽此便見孝弟之美而爲人所當務矣但此意尚未明言下節乃申明之○孝弟兼内外有是愛敬存于中必有愛敬發于外也○朱子云犯非必凌犯只少有拂逆便是犯上如疾行先長亦是虛齋曰作亂如好勇闖狠叛君賊父之類是也○陳新安日深意在善字上

善事之中有無限難能之事未易言也

君子務本本立而道生孝弟也者其爲仁之本與

與平聲

務專力也本猶根也仁者愛之理心之德也爲仁猶曰行仁與者疑詞謙退不敢質言也言君子凡事專用力於根本根本既立則其道自生若上文所謂孝弟乃是爲仁之本學者上豈復有逆理亂常之事德有本本立則其道充大孝弟行於家而後仁愛及於物所謂親親而仁民也故爲仁以孝弟爲本論性則以仁爲孝弟之本或問孝弟爲仁之本此是由事謂之行仁之本則可謂是仁之本則不可蓋仁是性也孝弟可以至仁否曰非也謂行仁自孝弟始孝弟是仁之一事謂之行仁之本則可謂是仁之本則不可蓋仁是性也孝弟是用也性中只有個仁義禮智四者而已曷嘗有孝弟來然仁主於愛愛莫大於愛親故曰孝弟也者其爲仁之本與今參夫人二孝弟而犯亂俱泯可見孝弟之足重而爲人所當務者矣是故君子凡事專用力於根本根本既立則事事物物處之各當而子變萬化之道自生本之當務如此若吾所謂孝弟也者其推仁道之本與蓋孝弟則一心之中皆和順所積自此而仁民愛物不可勝用矣學者務此仁道不

析講大全朱子曰仁便是本仁更無本了。若說孝弟是仁之本則頭上安頭伊川所以將爲字屬仁字讀蓋孝弟是仁裏面發出來的乃推行仁道之本自此始耳仁字則流通該貫不專主于孝弟之一事也仁就性上說孝弟就事上說仁如水之源孝弟是水流第一坎仁民是第二坎愛物是第三坎也爲仁以孝弟爲本事之本守之本之類是也論性則以仁爲孝弟之本天下之大本之類是也二程解經非諸儒所能及○金氏曰有子此章分二節前節以質言後節以學言中二句泛言承上生下以凡人資質言則孝弟者無犯上作亂之事以學者務本言則孝弟者爲行仁之本親親仁民愛物皆從此出而仁不可勝用○王觀濤曰講務本二字要用良知良能中含無限生意等語方暗切下孝弟又于根本意說得真務字有聚精會神意立字有栽培牢固意生字有活潑洋溢意○此節申明孝弟之當務上節捐凡人說此又揭出君子作爲人榜樣務本二句雖泛言以起下然亦要暗含孝弟及仁字寫照務孝弟所謂本立也爲仁所謂道生也詳中學者二句未要補出孝弟也者二句不重爲仁上只重孝弟

二字及本二字以申明上節爲耳兩節須看得貫串仁山金八之說窩善會之○爲仁有許多事孝弟亦是爲仁之一事如上文不奸犯亂亦是爲仁裏面事故爲仁不當云爲仁而當云行仁也自文爲仁仁字指其周備及物者言之註中仁爲孝弟之本仁字指其本體發淵處言之○天下之事莫不有道而于其中之切近精寔者則爲本○本立道生如下事親孝故忠可移于君事兄敬故順可移于長推之仁民愛物皆從孝弟始下二句原伏在上二句內

巧言章全旨

此章戒人徇外意蓋仁于心之德也只是心在時

便是仁巧劖者致飾于外全不根心而發則心不在內德安得不亡故曰雖矣仁詞雖婉而微人之意切矣

子曰巧言令色鮮矣仁

巧好僉善也奸其言善其色致飾於外務以悅人則人欲肆而本心之德亡矣聖人詞不迫切專言鮮則絕無可知學者所當深戒也○程子曰知巧言令色之非仁則知仁矣參大全子曰人苟存心爲已若出詞氣正顏色是合當如此亦何害於仁但巧奸其言令善其色致飾以說人視聽則心

皆私欲一向逐外，少矣其本心之七矣。學者可不務內乎？析講太全，間夫夫子之黜仁程子直言非仁何也？程子懼學者之不察，而于巧令之中求少許之仁，是以直斷其非仁以解害詞之惑也。

○許氏曰：此章大意似聖人觀人，然觀其詞甚嚴，蓋微省學者之意爲多。○巧不必說到，佞只令不必說到，側媚只是假仁模樣，是粧做仁者之意。

黃勉齋曰：知馳于外者之非，則反而求之，心存于內而去欲存理者，卽仁也。許東陽曰：推此類而言之，則非禮之視聽言動皆非仁。註中人欲肆而心德亡，雖就言色上說，而所包固甚廣也。

曾子章全旨

見曾子真寔爲門學問人，惟認做欺人，所以克治不力。曾子認得自身上病痛，所以日省而不容已。曾子之學隨事精察力行，非是截然不省。別底只是見得此三事，是有纖毫未到處。省較急耳。按註云：有則改之，固屬省。又云無則加勉，真有此身一日尚存，此省一日不懈極得曾子日省之意。

曾子曰：吾日三省吾身爲人謀而不忠乎？與朋友交而

不信乎？傳不習乎？

省悉井反爲去聲傳平聲。

曾子孔子弟子，名參，字子輿，盡己之謂忠，以實之謂信，傳謂受之於師，習謂熟之於己。曾子以此三者，日省其身，有則改之，無則加勉，其自治誠切如此。可謂得爲學之本矣。而三者之序，則又以忠信爲傳習之本也。○尹氏曰：曾子平守約，故動必求諸身。謝氏曰：諸子之學皆出於聖人，其後愈遠而愈失其真。獨曾子之學專用心於內，故傳之無弊。觀於子思孟子，可見矣。惜乎其嘉言善行，不盡傳於世也。其幸存而未泯者，學者其可不盡心乎？

合案：曾子曰：吾于每日間，常以三事省察吾身：三者維何如？吾身爲人謀事，便當視人，猶已。苟粗畧怠忽，未必盡己之心，是不忠也。吾省之，得毋與朋友交而有不忠乎？如吾身與朋友相與，便當推誠，相接。苟内外不符，或未盡以事之寔，是不信也。吾省之，得毋與朋友交而有不信乎？如吾身受師之傳，便當心。維身體，苟或因循苟且，昧必致知力行，而熟之于己，是不習也。吾省之，得毋傳而有不習乎？有則改，無則勉。日省者如此。

析講曾子三省看來是當下便省得纔有不是處便故不是事過後方始去改省了却休也○謀不忠則欺乎人言不信助欺乎友傳不習則欺乎師戒自欺是曾子得力學問須看得極細玩三不字在外面看得過人儘相信得他但自心畧有不安處便是自欺也三乎字正應省字不是省已作的事乃自己搜尋有疚處而惟恐其復惡于不知不覺之中也○三乎字是問心之詞有自猜自疑意所謂省也日是日日如此省不是空空省便有精察力行不敢自逸意視人猶已方是忠若分人已便是忠信不但言語凡情貌不相符初終不相副便是不信習兼知行有一刻間斷便是不習三者都在切身上講

子乘章句旨

此治國之要務本之意也不是只在心上苟及爲政但本之心而達之政者五件最係要務耳

子曰道千乘之國敬事而信節用而愛人使民以時

道乘皆去聲○道治也千乘諸侯之國其地可出兵車千乘者也敬者主一無適之謂敬事而信者敬其事而信於民也時謂農隙之時言治國之要在如此五者亦務本之意也○

程子曰此言至淺然當曉諸侯果能此亦足以治其國矣聖人言雖至近上下皆通此三言者若推其極堯舜之治亦不過此若常人之言近則淺近而已矣楊氏曰上不敬則下慢不信則下疑下慢而疑事不立矣敬事而信以身先之也易曰節以制度不傷財不害民蓋侈用則傷財傷財必至於害民故愛民必先於節用然使之不以其時則力本者不獲自盡雖有愛人之心而人不被其澤矣然此特論其所存而已未及爲政也苟無是心則雖有政不行焉胡氏曰凡此數者又皆以敬爲主愚謂五者反復相因各有次第讀者宜細推之

朱太全子曰治于乘之國道雖多端而其要有五如國必有事不敬則國事隳矣必遇事則驕深履薄而爲之不敢輕不敬慢一至于敬國必有令不信則國人疑矣必推誠待民凡期令賞罰不二不欺而一于信用所以足國不節則國用竭本權矣必愛護周恤凡百官百姓賢人君子皆不忍傷而一視同仁焉至于役之征亦有國者所不廢不以時則國之九本者不獲自盡矣故使民則以農隙之時勿妨其耕春收穫

之、事、焉、如、此、則、上、之、意、接、于、下、下、之、情、方、得、

親、于、上、下、上、下、相、關、于、治、于、乘、之、國、也、何、有、

析、講、大、全、黃、氏、曰、敬、事、而、信、無、慢、與、不、欺、對、也、節、用、而、愛、人、

儉、與、慈、對、也、此、皆、治、國、之、要、道、故、兩、句、言、四、事、而、各、以、而、字、

貫、之、使、民、以、時、又、慈、中、之、一、事、故、獨、繫、于、後、但、言、所、存、未、及、

治、具、故、曰、務、本、○、伊、川、日、未、及、治、具、故、不、及、禮、樂、刑、政、○、此、

五、事、亦、是、政、但、是、綱、領、大、事、故、曰、要、若、禮、樂、文、章、之、屬、乃、其、

條、目、耳、非、要、也、亦、要、推、本、君、心、上、去、敬、者、臨、事、無、忍、心、以、時、謂、無、

臨、民、無、欺、心、節、者、用、財、舞、侈、心、愛、者、待、入、無、忍、心、以、時、謂、無、

言、便、妨、民、之、心、故、曰、務、本、之、意、○、乘、是、兵、車、四、馬、駕、一、車、謂、

之、一、乘、千、乘、之、國、是、地、方、可、出、兵、車、千、乘、之、大、国、馬、氏、曰、司、

馬、法、六、尺、爲、步、步、百、爲、數、數、百、爲、夫、夫、三、爲、屋、屋、三、爲、井、井、

十、爲、通、通、十、爲、成、成、出、革、車、一、乘、然、則、千、乘、之、賦、其、地、千、成、

居、地、方、三、百、一、十、六、里、有、奇、唯、公、侯、之、封、乃、能、容、之、雖、太、國、

之、賦、亦、不、過、是、朱、子、曰、車、乘、之、說、疑、馬、氏、爲、可、據、馬、說、八、百、

家、出、車、一、乘、包、氏、說、八、十、家、出、車、一、乘、一、乘、甲、士、三、人、步、卒、

七、十二、人、牛、馬、兵、甲、芻、糧、具、焉、恐、非、八、十、家、所、能、給、也、○、蔡、

虛、齋、日、道、之、所、以、訓、治、者、理、也、理、之、謂、治、蔡、覺、軒、日、敬、該、勤、

靜、此、處、敬、字、主、動、而、言、朱、子、日、主、一、者、心、壹、于、敬、無、適、初、不、

膠、滯、如、做、此、事、左、主、一、于、此、忽、有、事、重、于、此、則、又、移、主、一、之、

心、于、彼、矣、○、節、用、不、是、吝、嗇、是、用、所、當、用、而、無、濫、費、意、使、民、

與、不、違、農、時、不、同、○、敬、爲、數、者、之、本、及、反、覆、相、因、等、非、不、是、

至、理、然、于、五、者、治、國、之、要、五、字、畢、竟、有、碍、牛、

且、左、自、立、說、亦、不、服、作、推、原、也、還、宜、平、看、

此、是、教、弟、子、之、法、無、一、時、一、事、不、接、續、其、愛、敬、之、

也、仁、謂、仁、者、餘、力、猶、言、暇、日、以、用、也、文、謂、詩、書、六、藝、之、文、○、

程、子、曰、爲、弟、子、之、職、力、有、餘、則、學、文、不、脩、其、職、而、先、文、非、爲、

餘、力、則、以、學、文、

弟子之弟、上聲

子、曰、弟、子、入、則、孝、出、則、弟、謹、而、信、汎、愛、衆、而、親、仁、行、有、

餘、力、則、以、學、文、

則、弟、之、弟、去、聲

謹、者、行、之、有、常、也、信、者、言、之、有、實、也、汎、廣、也、衆、謂、衆、人、親、近、
也、仁、謂、仁、者、餘、力、猶、言、暇、日、以、用、也、文、謂、詩、書、六、藝、之、文、○、
程、子、曰、爲、弟、子、之、職、力、有、餘、則、學、文、不、脩、其、職、而、先、文、非、爲、

己之學也。尹氏曰：德行本也，文藝末也。窮其本末，知所先後。而不學文，則質勝而野，愚謂力行而不學文，則無以考聖賢之成法，識事理之當然，而所行或出於私意，非但失之於野而已。

忝淺說子曰：人生德業，端自弟子始。弟子者入在家庭之內，須教他善事父母，以盡其孝；出在宗族鄉黨之間，須教他善事兄長，以盡其弟。一行也必謹，而有常一言也必信，而有寔廣愛，衆人無憎人，自便之意。親近仁人，有嚴憚切磋之益。此在己切要之務也。行此數者，于每日間，有不應接之時，便是有餘暇之力，則以此餘力學文，蓋詩書所載，皆聖賢教人爲人之法，而禮樂射御書數，亦日用間之不可屈者，故不可不以不學也。此爲弟，爲子之職，始學者之事，然充而極之，爲聖爲賢，皆不外是也。

析講此節俱要，在小學邊，說方切。弟子孝弟，句首重倫，當次修言，行次慎交接，俱有次第。蔡氏曰：孝弟定省溫清之類，弟如杖履徐行之類，謹則跬步不敢放肆，信則一諾不敢誣慢，寔則有其事故。日行，朱子曰：此愛不是人人去愛他，只和

氣相處，及不自占便宜之類皆是也。凡愛而又親，仁則不流于兼愛矣。○餘力是隨所行，凡有隙處，便是學文，非必專考數者，而數者道理亦在其中，蓋行以踐其寔，學以明其理，缺一不可。但有緩急耳。胡氏曰：行有餘力者，謂大事之中，每行一事，有暇則便學文，非謂每日盡行大事，然後學文也。○內剛云：十年出就外傅，累書訖，朝夕學幼儀，十有三年，學樂誦詩舞，勺成童，舞象者歌象爲節，而舞也。○存疑：兄叔對父母言，則父母爲內兄弟爲外，此二字所該頗廣，不專指兄，凡宗族鄉黨之年長于我者，皆是謹，如動作威儀有常度，而不易是也。○人生八歲，入小學，所謂家塾出入，想在此時，衆與仁當指同學弟字，言亦非泛論。

賢賢章全旨

此子夏以寔行，論學意非謂能如此，則不待夫學，蓋所貴乎學者，在此不在彼，欲學者務其本也。

子夏曰：賢賢，易色。事父母能竭其力，事君能致其身，與朋友交言而有信。雖曰未學，吾必謂之學矣。

子夏孔子弟子姓卜名商賢人之賢而易其好色之心奸善有誠也致猶委也委致其身謂不有其身也四者皆人倫之大者而行之必盡其誠學求如是而已故子夏言有能如是之人苟非牛質之美必其務學之至雖或以爲未嘗爲學我必謂之已學也○游氏曰三代之學皆所以明人倫也能是四者則於人倫厚矣學之爲道何以加此子夏以文學名而其言如此則古人之所謂學者可知矣故學而一篇大抵皆在於務本吳氏曰子夏之言其意善矣然謂氣之間抑揚太過其流之弊將或至於廢學必若上章夫子之言然後爲無弊也

參大全子夏曰學者莫重于人倫之大有仁于此誠于賢賢而易其好色之心誠于事父母能竭盡其力之所當爲而無遺誠于事君能委致其身于所使而不私誠于交友凡言必信諸心而無欺之數者固有資稟自好不待學而自能者然使其爲學則亦不過學此數者耳卽其踐履之眞篤可以僥其見道之分明人雖或以爲未學吾必謂之卽此是學矣可見學貴實行非徒聞見之功也

析講大全朱子曰子夏此章皆是說到誠處○

賢賢好賢也

常情好色極誠彼則好賢極誠却似變易其好色之心以好之非先好色而易之以好賢也亦不是以好色喻好賢竭力者凡力之所得爲所能爲者必一一竭盡而無餘致身不限定金生凡身之寵辱利害付之不顧者皆致身也兼常變言處常則敬事後食臨難則殺身成仁信則專指言說方言不外二三識字○聖門論學原在人倫日用做工夫人若寡寢不外二三識字○致辭作委如送這身子與君憑他如何使○聖賢之學只是个誠四段俱要摹寫一个誠字首句在易字上見他誠中二句在兩能字上見他誠與朋友交一句在有字上見他誠俱指現成人說雖曰句如雖曰不要君之類乃抑揚其詞以見其深于學非真未學也蓋學只是盡倫旣盡了便是真學問此正得學之本者註中牛質句忽重矣爻改過是指爲學之要欲人知所以用其功也○主忠信節尤重

不重章全旨

通章總言君子自修之道以學字貫○

大全蔡氏曰

首節舉爲學之弊欲人先有以立其質後言忠信擇

子曰君子不重則不威學則不固

重、厚重威、威嚴固、堅固也輕乎外者必不能堅乎內故不厚重則無威嚴而所學亦不堅固也參太全子曰大凡君子爲學必養成厚重之質然後有威可畏而所學亦固若是飛揚浮躁德器不厚重則見于外者必不威嚴而所知所行之事在于中者雖得必失則亦不堅固可見爲學當先立其質也

析講問既曰君子何故有不重不威朱子曰此槩說君子之道如此楊氏曰不重則易爲物遷故學則不固○此君子之所以學者通稱與成德之君子不同不重就在瞻視動作上看不重一字最重不威不固俱是不重之弊但不威還與不重一不套事而不固則益見輕之害事而君子不可不重也朱子曰飛揚浮躁那有沉潛人理工夫語最透確○威重就質資上說未說到學上必有是資質方可爲學不然便無基址便學也不成

主忠信

人不忠信則事皆無實爲惡則易爲善則難故學者必以是爲主焉程子曰人道惟在忠信不誠則無物且出入無時莫知其鄉者人心也若無忠信豈復有物乎參游氏然立身固貴厚重而存心又貴真誠故善學者必以忠信之心爲主不言則已言而必忠信也不行則已行而必忠信也止而思動而爲無往而不在于是焉則安往而非進德哉

析講朱子曰忠信爲寔心人若不忠信凡處事接物皆是虛妄如正衣冠尊瞻視只是色莊交朋友未必寔情改過亦未必真改故爲學須是主忠信○忠信總是一念誠心不必彷彿看主字最重有凡事靠他做主意○註中則事皆無寔句即不誠無物之意○問主忠信後子不重不威何也曰聖賢爲學之序須先自外面分明有形象處把捉株毫起來

無友不如已者

無毋通禁止辭也友所以輔仁不如已則無益而有損參朱子夫主忠信而爲學之本得矣然擇交不講則人之累我學者多也蓋友以輔德友纔不如已便無敬畏而生狎侮

豈能有益必無友不如已者

析講無字全在心上說友與沒交不同有相親暱意不如已直是立心制行少遜于已者則無嚴憚切磋以成其德便是無益而有損若云便僻匪人則又在所必絕者豈但無友已耶○存疑主忠信是誠寔去爲學所謂致知力行皆是一寔事畧無虛假然此理不易知亦不易行苟不下得實師友講明規正則所知或非其真所行或失其正而流于妄者有之所以主忠信又要友勝已也

過則勿憚改

勿亦禁止之辭憚畏難也自治不勇則惡日長故有過則當速改不可畏難而苟安也程子曰學問之道無他也知其不善則速改以從善而已○程子曰君子自脩之道當如是也游氏曰君子之道以威重爲質而學以成之學之道必以忠信爲主而以勝己者輔之然或吝於改過則終無以入德而賢者亦未必樂告以善道故以過勿憚改矣焉

參游氏然自治不勇則已之累其學者多也蓋過足以損德則勿憚改焉能改一言之過則一言善矣能改一行之過

則勿憚改矣

朱子曰最要在速字上着力故有過者今日不復

改則過愈深而善愈微若從今便改則善可自此而積今人多是憚改過了日子○存疑主忠信則學之本立矣友勝已則學有所資矣然或憚于改過則自治不勇而惡日長雖有爲善去惡之寔心終爲牽格而不行雖有賢師益友之教肯已亦莫之受矣此主忠信友勝已之後又以速改過終之也○黃氏曰外厚重而內忠信則其本立友勝已而速改過則其德進○按黃氏說四項各開說平說然首節反下三節正復落甚明下三節乃爲學之功而主忠信尤爲學之本也廣惟此二件乃德之本原根于其心而最篤故指言之

曾子曰慎終追遠民德歸厚矣

慎終者喪盡其禮追遠者祭盡其誠民德歸厚謂下民化之其德亦歸於厚蓋終者人之所易忘也而能講之遠者人之所易忘也而能追之厚之道也故以此自爲

則已之德厚下民化之則其德亦歸於厚也

參大全曾子曰人情于親之終易忽親遠而祭易忘此民德之薄由上之人無以風之耳誠使爲人上者送終既盡辭踊之情又慎喪死之禮祭遠既盡孝敬之意又致追慕之情如

此則過于常人其德爲厚上以是感下以是應則斯民化之

其德亦返薄歸厚而無不慎終追

遠矣故爲人上者端本宜先焉

析講朱子曰慎終追遠自是天理所當然人心所不能自己者且是上之入所當爲不爲化民而爲之能如此則已德厚而民德亦化之而厚矣○麟士云蒙引存疑皆說追遠不止父母凡遠祖皆然存疑淺說又云民德歸厚亦只是慎終追遠而各念所生理亦爲直捷也○慎終如衰麻哭泣之數棺槨衣金之屬追遠如春露秋霜之感懷聞慨見之心喪不患其不哀患禮之不盡以其既死而忽之也故要盡禮然後不患不盡禮患誠之不至以其既遠而忘之也故要盡誠存東陽

日慎終存哀中之敬追遠動敬中之哀厚者

民之本性今感上而化如自外而歸家也

子禽章全旨

此章見盛德感人之妙重得字首節于禽之間是疑以求聞政下節了貞之咎是言以德聞政于禽

原意重在求上故子貢以一得字換他求與二字謂之曰得則與且不足言况于求乎

子禽問於子貢曰夫子至於是邦也必聞其政求之

與抑與之與

之與之與平聲下同

子禽姓陳名亢子貢姓端木名賜皆孔子弟子

子或曰亢子貢弟子未知孰是抑反語辭

參序子禽問于子貢曰夫子周流天下但至于是邦也必然聞其邦之政事果是夫子訪求于邦君而聞之興抑是其邦君虛懷下問自以其政折衷于夫子而與之與此以常人之情觀夫子也不知謂之曰求則何已以受人固非所以論夫子也謂之曰與則權操于人亦非所以操于夫子也入者皆非而求尤謬矣

析一講是邦不止一邦聞謂與聞國政有謀畫商確意子禽意

重在求一一邊故下就其求字折之

○子禽陳子車之弟○子貢衛人

子貢曰夫子溫良恭儉讓以得之夫子之求之也其諸異乎人之求之與

溫和厚也良易直也恭莊敬也儉節制也讓謙遜也五者夫子之盛德光輝接於人者也其諸語辭也人他人也言夫子未嘗求之但其德容如是故時君敬信自以其政就而問之耳非若他人必求之而後得也聖人過化存神之妙未易窺測然卽此而觀則其德盛禮恭而不願乎外亦可見矣學者所當潛心而勉學也○謝氏曰學者觀於聖人威儀之間亦可以進德矣若子貢亦可謂善觀聖人矣亦可謂善言德行矣今去聖人千五百年以此五者想見其形容尚能使人興起而況於親炙之者乎張敬夫曰夫子至是邦必聞其政而未有能委國而授之以政者蓋見聖人之儀刑而樂告之者秉彝好德之良心也而私欲害之是以終不能用耳

參序子貢既之日子亦知夫子果何如耶夫子盛德積中九輝發外但見其容貌詞氣之間和厚而溫易直而良莊敬而恭節制而儉謙遜而讓其德容如此自然感動乎人故時君敬信自以其政就而來問而夫子因以得聞之卽如子所謂求者而論我夫子之以盛德自然之感求之也其諸異乎他人有心以求之者與蓋求于人而後得之他人之求也德在此而人應之夫子之求也而可以常情測夫子耶

析講大全朱子曰易平易坦易儉非止儉約只是不放肆當收斂之意此五者皆謹厚謙退不自聖賢底意故人皆親信樂告之最要看此五者是何等氣象○淺說或以時君敬信自以政就而問之是亦與也何謂非求亦非與蓋人君咨訪搜攬求治若不及是之謂與亦有德非聖人而時君與之者與由時君者也旣曰夫子溫良恭儉讓以得之得由夫子二者也則非與矣○王觀瀆曰夫子盛德在中者叢言故以其光輝接人者言之○夫子之求之借其求字而反言之以明夫子未嘗求如孟子言以堯舜之道要湯也○此節只重首句下二句正深著其得之之妙耳瞿昆湖云五者盛德光輝之接人要得時出意亦要得形容不盡意以字最着力是子貢

從旁模擬之詞夫子不自知邦君亦不自知夫子之求之也。是帶下語非粘上語蓋他人之求求也夫子之間政是德容之自致不求之求也只在夫子身上想其感人事妙非以人之枉已者相形也○溫和厚不慘暴不刻薄良易直平坦恭良恭莊敬外莊內敬讓謙遜不矜已推善與人。

父在章全旨

此章言觀人子之法爲父子志趣事爲不同者言之上二句欲人子善其志行下二句欲人子篤于孝行也上二句不平對父沒承父在言而三年無改又卑承父沒言踵重不忍改之心上

子曰父在觀其志父沒觀其行三年無改於父之道可

謂孝矣

行去

父在子不得自專而志則可知父沒然後其行可見故觀此足以知其人之善惡然又必能三年無改於父之道乃見其孝不然則所行雖善亦不得爲孝矣○尹氏曰如其道雖終身無改可也如其非道何待三年然則三年無改者孝子之心有所不忍故也游氏曰三年無改亦謂在所當改而可以

未改者耳

參大全子曰觀人子非一端也父在時使父賢而子不肖雖欲爲不肖之事猶以父在而不敢爲然其志之不肖已可知矣使子賢而父不肖雖欲爲善事而父有所不從時有勉強而從父之爲者而其志之所存亦不害其爲賢矣則觀其志至于父沒得自爲于是其行之善惡可於此而見矣則觀其行行雖善矣然猶未見其孝行何如也必三年之間于父之道有在所當改而猶可以未改者不忍以爲得行已志而遽然改之以從已是其心疾痛哀慕惶惶然望望然甚父之奈而庶幾于復見者可謂孝子之用心矣

析講夫子直指孝子之心推見至隱而言不必主事言也○此章只是折轉說上二句觀人子之太槩下一句就觀其行細看其用心之厚薄何如○志者行之赤形者也行者志之已形者也志行二句各兼善惡言三十年句則專指善言也三十年言其久無改全在心之不忍上形容二如父在之時不敢自專也道卽父所常行者也此道未必不是亦未必盡是所以無改爲難蓋遽改之則有死其親之心有揚親之過之意便不得爲孝若大故不好的事則又不在此限矣若父道已

何用說無改終身行之可也

有子章全旨

有子見得禮中，有自然之和，可以行之，無弊。不當之弊，特原禮以救之。其辨和也，正以維禮也。○下節和字，與上文和字異，和字是無心之和，趨禮而行者也。下和字，是有心之和，越禮而行者也。○通章以下，節作主，因爲有下節主意，故發出上節，議論非兩救語，蓋禮字和字原分開，不得和處，即是禮節處，即是和兩節原，是一意也。

有子曰禮之用和爲貴先王之道斯爲美小大由之

禮者天下理之節，文人事之儀則也。和者從容，不迫之意。蓋禮之爲體，雖然，皆出於自然之理。故其爲用，必從容而不迫。

乃爲可貴，先王之道，此其所以

爲美，而小事大事無不由之也。

參太全有子曰：禮，在天下如尊卑，隆殺等分，不易，最是嚴敬。然禮之嚴敬之用，非由抑勤矯拂，是天理之自然，人心之同然。雖欲不然，是不可得也。本極其和順之爲貴，斯禮也。○先王之道也。古先王所制之禮，無不出乎和。斯其所以爲盡美。

無弊天下後世，而動靜飲食大而綱常倫理，所以都率出之，而無中滯也。禮中之和，其爲可貴，如此。

析講

蔡氏

曰：離禮無處，見和故禮用，于天下油然無所矯拂。

所以立隆爲極，而可貴。貴字內便，含行之無弊已。包下三句，意下明。先王之道，以尊之，亦只掉醒。上二句耳道，卽禮也。美卽貴也。小大由卽禮之用也。○禮之用，禮之行，處也。非人之用，禮也。○人之用禮，則用字屬人。日禮之用，則用字屬禮。故須有分辨。○斯字輕，帶過，註此其所以爲美。說是。○朱子曰：禮如此之嚴分，毫不可犯。何處有和須，知道吾心安處，便是和。如入公門，鞠躬須如此，方安。不如此，便不安。不，便是不和。此以知得禮中本來有一个和，至嚴之中，便是至和，不可分。兩截看。○美節可法，可傳之意之字，指禮字言，禮自寓夫和也。○和乃禮之自然，自然處乃禮之本然，本然者，嚴中有一个和也。○存疑本文只曰禮之用，朱子則發出體字，要知這體與用原無二項，卽禮之尊卑上下截然，不易便是用也。○翼註禮之貴和，行禮者亦不自知，在論禮者，則以是爲貴耳。○禮制，自先王故曰：先王之道，變禮言道者，以制作言也。

有所不行知和而和不以禮節之亦不可行也

承上文而言如此而復有所不行者以其徒知和之爲貴而於和不復以禮節之則亦非復禮之本然矣所以流蕩忘返而亦不可行也○程子曰禮勝則離故禮之用和爲貴先王之道以斯爲美而小大由之樂勝則流故有所不行者知和而和不以禮節之亦不可行范氏曰凡禮之體主於敬而其用則以和爲貴敬者禮之所以立也积者樂之所由生也若_{有子}可謂達禮樂之本矣愚謂嚴而泰和而節此禮之自然禮之全體也毫釐有差則失其中

正而各倚於一偏其不可行均矣

參朱子夫禮既和爲貴則宜無所不行矣然復有所不行者何哉禮之用和是禮中自然中節之知者知先王禮意在和而有意求和是以放蕩爲和纔以放蕩爲和便是踰越于禮之外而不以禮之等分嚴敬來節制之則名分乖體統廢而先王之道已蕩然矣施之小大俱不可行也是可見禮中之和則萬世無弊禮外之和則頃刻難行用禮者惟本之以和而節之以禮斯爲得禮之全體矣

析講亦字正與前相應言無和之禮固不可貴離禮求和亦不可行也○問從容不迫如何謂之和曰只是行得自然如此無那牽強底意思便是從容不迫那禮中自有從容不迫不是有禮後更添箇從容不迫若離了禮說從容不迫便是自恣○上節言禮以和行此節著和之弊正見和之本無一弊也知和而和如下不端坐而箕踞童子與先生並行便是自恣成僨模樣兩個不行俱捐禮言如嵇阮之流伍情放達不復以禮自持止可行之一人不可行之他人行之一時必易悔于後且禮以和行而禮外求和亦不可行也若以後人和之弊而致咎于本然之和則失先王制

信近章全旨

此章示人以遠悔之道上二截是能慎于始下三日日近日不失有許多斟酌意在議而言擬而動擇而交可復等雖是善後之事要即在謹始

中看出二事各開看非相因之詞

有子曰信近於義言可復也恭近於禮遠恥辱也因不

失其親亦可宗也

近遠皆去聲

信約信也義者事之宜也復踐言也恭致敬也禮節文也因猶依也宗猶主也言約信而合其密則言必可踐矣致恭而中其節則能遠恥辱矣所依者不失其可親之人則亦可以宗而主之矣此言人之言行交際皆當謹之於始而慮其中終不然則因循苟且之間將有不勝其自失之悔者矣合恭有子日人之言行交際凡有悔于終者皆愧其不能謹之于始如與人約信本欲踐其言也若不合義則不可行而必至于失信惟慎于約信之時務合其天理之言而近于義則今日所言不待他日踐之而知其必可復也如待人恭敬各自有其隆殺之宜若不由禮則或尤或卑而轉取夫耻辱矣惟慎于致恭之際務中乎當然之節而近於禮則無過不及必內遠耻于已而外遠辱于人也如與人偶爾因依必圖可久若所依匪人則始雖暫合終必乖離惟慎于相因之初卽審擇賢否不失其所以親厚之人則日後卽宗之而尊以爲主亦無不可也夫何自失之悔乎則始真不可不慎謹也已

析講胡氏

日言爲約信恭爲致敬皆指人之行此而言非信

恭之本體也朱子曰如今人與人要約不下先度其事之色義不色義且鶻突恁地說了到明日却說這事不義不做則是言之不可踐也言而不踐則是不信踐其所言又是不義是不先度之故因之爲依勢敵而文淺如先生之依劉表是也宗之爲主彼尊我賤而以之爲歸如孔子之于司城貞子遽伯玉顏譬由是也○因猶傍也親又較厚宗則宗主之又較重當時羣旅之臣所至必有主須于其初審其可親者從而主之可也○我與人約必思量他日可行方諾之則爲近義而言可復矣凡致敬皆恭也如禮拜便拜揖便揖皆是如人禮拜而我不拜被人詰問我無以答便是爲人所辱如人不禮拜而我拜之便是謂屈則可耻在我矣因者或適國之間或共事之際皆有異日可宗言不致有名節之累亦不重有情義之離也鄭玄如日須四是平日有精義立禮知人學問友能如此○信近于義大約爲人之一事居多若忠孝功業此是吾分內事何須與人期約又何須換之于義而後與約耶○近義近禮是爲輕于約信過于致恭者而發不失一親是爲濫交者而發

子曰君子食無求飽居無求安敏於事而慎於言就有道而正焉謂好學也已

好去聲

無求章全旨 此章總見君子心平學上不外志功心三項看皆以心字貫不求安飽者正其心于敏事慎言而敏事慎言此心猶不自足又就正有道總是好學無窮之心

吾言之可否焉此之爲學蓋真見義理

無窮而不能自己者可謂好學也已

析講朱子曰此章須反覆看他意思如何若只不求安飽而不謹言敏行有甚意思若只謹言敏行而至就正有道則未免有差若士夫不到則雖就有道亦無所取正者聖人之言周遍無欠缺類如此○此章語意緊切作三節說寔一氣急下^々○胡氏曰必無求然後見其有好之之志必敏慎然後見其有好之之寔必就正然後不差夫好之之路此足以見好學之甚難得也○虛齊云不求安飽者志在于道也敏慎者用功于道之寔事也就正者欲使吾之道都恰好而無差也敏事者謂奮迅行將去也慎言謂度其能行者左言也就正兼講明觀法兩意○饒雙峰日事非特行事凡學問思辨窮理之事皆事也慎言即是心專于內有忘之復無詎乎意陳荆安日有道者此人之身與道爲一能由人所共由之道者也

貧而尊全旨

此章俱主學問上說重夫子一進是進之以化而與其能悟之言

琢磨在無詰無驕樂與好禮之外方曉得所已言所未言前

之問答，蓋言德之淺深後之引詩乃言學之疎密

子貢曰貧而無謗富而無驕何如子曰可也未若貧而樂富而好禮者也

樂音洛

好去聲

謂卑屈也驕矜肆也常人溺於貧富之中而不知所以自守故必有二者之病無謗無驕則知自守矣而未能超乎貧富之外也凡曰可者僅可而有所未盡之辭也樂則心廣體胖而忘其貧好禮則安處善樂循理亦不自知其富矣子貢貨殖蓋先貧後富而嘗用方於自守者故以此爲問而夫子荅之如此蓋許其所已能而勉其所未至也

參淺說昔子貢之學常用力于自守者故問于夫子曰大凡貧者氣歉駁謂富者氣盈多驕此人情也若是處貧而無謗屈之意若是處富而無驕於之心此其人果何如其意以爲處貧富者如是止矣子曰無謗無驕則其自守之力於學亦有得矣是亦可也然無謗無驕猶知有貧富也若持守之力少寬則謂驕復形矣未若貧忘乎其爲貧心廣體胖而樂富忘乎其爲富樂善循理而好禮之人也蓋樂與好禮者不但

不溺于貧富之中而併不存在貧富之見豈無謗驕者所能及哉夫子之意蓋進于貢于化也

析講許氏日樂與好禮皆是心上言故上面說心廣下面說樂循理體既安舒烏得有卑屈心既樂循理烏得有矜肆却暗關上兩句見得未若二字意或問小註曾氏曰以貧故無謗以富故無驕貧富之道耳樂非以貧好禮非以富出于恤情而貧富不能解也

釋昆湖云無謗無驕則能以理制欲而貧富不爲之動故曰知自守此雖是子貢所已能然只足治問夫字之答雖有詐勉兩意亦只閑閑論其理樂與好禮乃自有其樂非樂平貧也自去好禮非欲守乎富也玩未若及者也語氣言此等造謠更高一層便已不得學問無窮之意爲貧所困故多求而謂爲富所張故有恃而驕無謗無驕是靠貧富上說樂與好禮全不從貧富起見矣孔子做兩人說謂無謗無驕之人不若樂與好禮之人也子貢意做一人說謂無謗無驕不若更

樂與好禮故有切磋琢磨之悟

穉七多反

東平聲

子貢曰詩云如切如磋如琢如磨其斯之謂與

詩衛風淇澳之篇言治骨角者既切之而復磋之治玉石者既琢之而復磨之治之已精而益求其精也子貢自以無謂無驕爲至矣聞夫子之言又知禮義之無窮雖

有得焉而未可遽自足也故引是詩以明之

參序子貢聞言而悟遂引詩以明之曰我以無謂無驕爲至矣而夫子猶有貧而樂富而好禮之云卽夫子斯言可見天下之理無終窮而學問之功無中止息也詩有云君子之學如治骨角者既切以刀鋸而復磋以中鑄錫如治玉石者既琢以椎鑿而復磨以沙石蓋精而益精也其斯可也赤若之謂興由處貧富推之則知學之當已精益

精者無限詩與子言殆互相發矣

析講朱子曰子貢舉詩之意不是專以此爲貧而樂富而好禮底工夫夫蓋見得一切事皆合如此不可安于小成而不自勉也○蔡氏曰夫子只說一个未若子貢便悟到未若求若處有許多磨勵工夫因舉詩相証蓋詩所云皆心學已精益構工夫是悟學問無窮非泛悟道理無窮也斯指凡學問而言乃夫子未若中所含之理不專貧富二端○子貢引詩非以是問于夫子乃感悟自嘆之詞斯字指學問無窮說子貢所

謂悟者因論貧富之道而悟學問之功非至此方悟詩也夫子許子貢可與高論者亦爲其告以處貧富之道而遂悟學問之功非與其能悟詩也時說俱云子貢初不解詩意聞夫子之言乃悟之大謬○子貢引詩之意須要放宽說若肯定無謂無驕樂與好禮便皆是夫子所已言者不必說告往知來

子曰賜也始可與言詩已矣告諸往而知來者

往者其所已言者來者其所未言者○愚按此章問答其深淺高下固不待辨說而明矣然不切則確無所施不琢則磨無所措故學者雖不可安於小成而不求造道之極致亦不可驚於虛遠而不察切已之實病也

合參子貢善悟如此夫子解詩之日詩之詞婉意深有言在此而意在彼者有言甚近而旨甚遠者若得其言不得其所以言便不可與言詩如賜也始可與言詩已矣何則處貧富之道我之所已言者也往也切磋琢磨之義我之所未言者也來也爾乃能因我所已言而知我所未言觸類引伸旁通無碍與之言詩必能以意通焉而不滯于詞矣信乎其可與

言詩也已矣

析講始字卽方字言如賜這樣人方可與言詩非謂自今以後始可與言詩也未子未嘗告子貢以詩卽詩亦非言處貧富之道而于貢忽然悟及學無終窮援詩相証可見引伸觸類之妙○朱子曰所已言者謂處貧富之道所未言者謂學問之功虛齋曰處貧富上就是義理就是學問但前業與好禮是據現成地位處未說及用功夫一邊故曰未言二說可以參看

不患章全旨

此示人以爲己之學于愚人不知者下一下轉語就在他患心點醒他使之用心于內蓋人不知己其病在人己不知人其病在己君子之學爲己故不患人之病而患己之病也

子曰不患人之不己知患不知人也

尹氏曰君子求在我者故不患人之不己知不智人則是非邪正或不能辨故以爲患也

卷邢疏子曰凡人之情多輕易干知人而愚人至知己自矜之則不患人之不己知但患己不知人也蓋已有可知之

寔而人不已知其失在人若自己學問未至而不能知人則是非邪正莫辨而從邇無主其失不小矣故人當責己而不當責人也

析講語類漢臣問如何知得他人曰見得道理明然後知得他人自己否識得道理破何知他人賢否○患不知人當思人何以不知人何以可患若徒役役焉就人而別其是非邪正則是子貢之友人夫子所謂我則不暇者也安見其可患耶故知人須說到切己身心上○學者不能知人則交反不能辨其損益推之君相不能知人則交入則用舍之際不能進退不肖黎民於變之象

爲政第二

四章

爲政章全旨

此章示人以尚德之化只重爲政以德之一句下告喻意○爲政所以正人也以德則能正己以正人矣能正己以正人則不待致詳于政令之間而天下皆歸于正矣故引北辰以譬之居其所是恭己無爲之象衆星共是黎民於

四庫全書
卷之六
子言

予曰爲政以德譬如北辰居其所而衆星共之

共言拱

政之爲言正也所以正人之不正也德之爲言得也行道而有得於心也北辰北極天之樞也居其所不動也共向也言衆星四面旋繞而歸向之也爲政以德則無爲而天下歸之其象如此程子曰爲政以德然後無爲范氏曰爲政以德則不動而化不言而信無爲而成所守者至簡而能御煩所處者至靜而能制動所務者至寡而能服衆

參序子曰治貴端本如爲政者凡其立綱陳紀皆本于躬行心得之餘而以德由是至德自然感動身雖不出九重而民皆歸化譬如北辰居其所不動而衆星自然環繞而歸向之也人君修德于上而恭已南面爲北辰之居其所也萬民觀感于下而傾心向化三衆星之拱北辰也然則君天下者亦修德而已矣

所講陳氏曰無爲而天下歸之本文未嘗明言此意只是取象于北辰其中含此意北辰爲天之樞譬爲政以德之君爲天下之極居其所譬人君之無爲衆星共之譬天下歸之也○朱子曰天圓而動包乎地外地方而靜處乎天中故天形

半覆地上半裸地下左旋不息其樞紐則在南北之端焉南極入地三十六度故周回七十二度常隱而不見北極出地三十六度故周回七十二度常見不隱北極之星正在常是不隱七十二度之中常居其所而不動其旁則經星隨天左旋日月五緯右轉更迭隱見有似于環繞而歸向之也○釋士云天官家言北極五星第十一星主太子所謂前星者也第二星主帝第三星主庶子第四星主后第五星爲極卽天樞左也言北極者兼上五星言北辰者專主天樞十一星也天樞左右別有四星謂之四輔後挾前張畧似箕斗而樞在其內當以夜候望自第十一星至于四輔旋轉不同而天樞昏旦如一則信乎周天之象所不動者惟此一星也○爲政無工夫只是在位爲治意工夫全在以德上帝主之治皆以德化天下如所謂有諸已而後求諸人無諸已而後非諸人非一昧卒默全無政令也朱子曰只是德修于已而人自感化少待作爲而人自驗之不見其有爲之迹耳○爲政以德非以德天爲政也不必泥以字只是爲政有德相似感之以同得之理即易于興起下之感化不在政事上却在德上故曰無爲而天下歸之○天運有常度而無停機日月星辰各各轉運只

有北極南極，一處不動，如磨之心，如門之軸，故曰天之樞也。居其所，仍不是不動，只是動處還在原處，北極無意于衆星之共，衆星亦無心于共，辰此正，無爲氣象。

三百章全旨

此夫子提揭詩義以見詩之爲用，如此勉學者，在言外益人，但知詩之有邪正而不知詩之用，皆欲使人歸于正，故夫子于其中揭此一句以示人學者，知此則有以識先生所以垂詩教之意矣。○三百內就要點出言善言惡，紛紛不一意，而其指歸則務使人人思無邪而已，不必講思無邪字義，只講思無邪所以蔽三百意趣，三百舉全經而言，一言是一句之詞之字，卽三百之義，蔽者包括得盡也。

子曰詩三百一言以蔽之曰思無邪

詩三百十一篇言三百者，舉大數也。蔽猶蓋也，思無邪魯頌駟篇之辭，凡詩之言善者，可以感發人之善心，惡者，可以懲創人之逸志，其用歸於使人得其情性之正而已然其言微婉，且或各因一事而發求其直指全體，則未有若此之明且盡者，故夫子言詩三百篇而惟此一言足以盡，蓋其義其示入之意亦深切矣。○程子曰思無邪者誠也，范氏曰學者必

發知要，知要則能守，約守約則足以盡，博矣經

禮三百曲禮三十亦可以一言蔽之曰毋不敬

泰大全子曰詩三百篇固甚博也，然求其要，則有一言便得，三百之義，一言維何，卽魯頌駟篇所謂思無邪，是已，蓋好鹿詩便全吟咏，興發其善心，不好底便令人起羞惡之心，總是要使人無邪，思也，思在人最深，思果無邪，是欲所行，皆無邪，而詩之要得而稱盡矣。

析講思無邪，只是要正人，心約而言之，三百篇只是一個思無邪，析而言之，則一篇中自有三十个思無邪。○蒙引一言以蔽之曰思無邪，作一句讀。問思無邪莫是作詩者發于性情之正否，曰昔關雎鹿鳴文王大明等詩，固是性情之正，若桑中溱洧等詩，謂之性情之正，可乎？只是要讀詩者思無邪耳。

道之章全旨

此章是說政刑德禮威民，有淺深而民之廉之者，亦有淺深以見爲治者，當重本而輕末也，政刑非布，其具于政禮以齊之，而嚴其法于刑，四者不可偏廢，但當時爲治者，徒以政刑治民，而不知以德禮爲之，蓋故夫子云：

然兩節語意只平平敘列政刑德禮優劣自在言外王觀濤云耻是人之良心激發最真切處政刑德禮之淺深全在有耻無耻上分別

子曰道之以政齊之以刑民免而無恥

道音導下同

道猶引導謂先之也政謂法制禁令也齊所以之也道之所以不從者有刑以之也免而無恥謂苟免刑罰而無所羞愧蓋雖不敢爲惡而爲惡之心未嘗忘也

參淺說

子曰人君圖治莫非要民爲善去惡然而致之有本如爲治者欲民之爲善去惡也用法制以示之禁令以戒之

天以引導其民使之奉行遵守道之而有不從者則加之以刑罰使齊皆歸于善而無惡此其責于民者亦甚詳矣民

不少見德而畏威但徒目前苟免于刑而無

其爲惡之心政刑之不可強民如此

析講朱子曰道齊之以政刑則不能化其心而徂使之少革到後政刑少弛依舊又爲惡矣勉齋黃氏曰義理人心所同得故善之當爲不善之可惡又安能進于善耶○註苟免則亦之以所同得者故惡不善而進于善有不待勉強而從

○蔡虛齋曰法制所以示之使依此做禁令所以戒之使不得不依此做刑是五刑之一屬是加刑于不善之人追徧從我法令也刑既在政中不平此亦是使人獲善不爲惡徂子龍以正的意思全無其意只要威民故其效亦僅得民之畏而已

道之以德齊之以禮有恥且格

禮謂制度品節也格至也言躬行以率之則民固有所觀感而興起矣而其淺厚薄之不一者又有禮以之則民恥於不善而又有以至於善也一說格正也晝曰格其非心○愚謂政者爲治之具刑者輔治之法德禮則所以治之本而德又禮之本也此其相爲終始雖不可以偏廢然政刑能使民遠罪而已德禮之效則有以使民日遷善而不自知故治民者不可徒恃其末又當深探其本也

荀子全篇使君子之道民不徒以其法也而一本于躬行心得

之德如欲民爲善去惡而自爲善去惡以爲天下先則有
有之心者必觀感而化然稟有厚薄感有淺深又有制度品
節之禮以齊一之使之皆有規矩準繩之可守此其求于民
者若甚怨矣然上以是感則下以是應故民皆耻于不善而
又且有以至于善矣是德禮之自然及民也

此孰本孰末何去何從爲治者尚其審之哉

析講道之以德如欲民興孝先躬行孝德以弘民齊之以禮
如民未皆盡孝又制事親之禮德是人君躬行的禮是人君
制了使民行的資稟所向不齊自有太過不及禮者吉凶軍
賓嘉五禮須令他一齊如此所謂賢者俯而就不肖者企而
及也○大全陳氏曰民耻于不善此觀感于德之功又至于
善乃齊于禮之效也○道以德既有以啓其爲善之志齊
以禮復有以約其爲善之趨故民不惟耻于爲不善而又
以至于善也有耻且格有不待威之而自爲善不待強之而
自不爲惡意虛齋曰此是化民之道故其效民亦化之○上
爲善而民始知善之爲吾固有上不爲惡而民始知惡之不
可爲○品節亦制度中之一品節制度如吉禮如何凶禮如何
軍禮如何賓禮如何皆是制度品則有尊卑厚薄之等節則

無過不及之差○

存疑

德與刑容易看政與禮如何分政是

官府之治法禮是民生日用之所行者如仲春之月令民會

男女奔者有禁是政其納采問名等許多儀文便是禮

吾十七章全旨

此章是聖人自敘其學之進時時不同蓋心純一
時漸進語不寡泥定十年纔一變但夫子學至寔心至虛大
約十年覺道自家信得過了纔說一句逐句皆從體驗得來
首生平寔踐語也中間數而字正夫子獨覺其進處○夫子
年十五志學至從心不踰矩始終惟此心學志學者此心所
向之力立者此心所守之定不惑者此心所見之明知天命
者心與理融而洞其所以然耳順者理與心會其順也自然
而然不踰矩者此心此理渾平爲一從容而不踰平矩此
峰胡氏之說○集註不可半途而廢不

可躐等而進聖人示學者寔兼此二意

子曰吾十有五而志于學

古者十五而入大學心之所之謂之志此所謂學卽
大學之道也志平此則念念在此而爲之不厭矣

卷六子曰不_レ易得者道也不_レ容怠者學也吾今子道幸有得矣吾追思之如_レ吾自十有五歲時便志于太學之道知之必欲其真行之必欲其至念念在茲如飭湖之于飲食不能自己也

析講學乃明德親民止至善之理卽所謂矩也志兼知行說朱子云聖人此時便想到不踰矩的地位工夫自住不得志字最有力○語類古人十五歲以前皆賈父兄之教從事于小學以習幼儀舞象舞勺無所不習到十五歲時便自覺身心去做尋這道理爲之不厭

三十而立

有以自立則守之固而無所事志矣泰大公志方是趨向懶去求計未得猶是兩件物事積十五年進修恭守之功至于三十二則有所得而守之脚下已踏着了堅立得定無所用志矣

析講朱子曰立是把捉得定世間事皆搖動我不得如當貴貧賤威武不能移屈是也此便是據德地位

四十而不惑

於事物之所當然皆無所疑則知之明而無所事字矣衆存疑立猶是守住未見得真又加以十年玩索涵養之功至于四十二而知明見微無所滯碍蓋于事物當然之理幾微之際毫釐之辨無不判然于胸中雖

欲不如_レ此亦不可得更不用守矣

析講不惑是于事物上無一毫疑惑只在心體上說如物格

知至是也勿說到事至能機物來順應恐于耳順句相連

五十而知天命

天命卽天道之流行而賦於物者乃事物所以當然之故也知此則知極其精而不惑又不足言矣

朱子不惑是隨事物上見這道理合是如此未知這道理所從來又充積十年至平五十更知道理所以然凡事事物物上于他本源來處爲天之所以命我者無不知也

析講知天命者洞徹此理之源頭所謂窮理盡性以至于仁凡事事物物物

也如父子之親便知其所以親緣吾性中有一仁凡事事物物

上知他本源來處譬如一溪先得知溪中有水後知得水發源處存疑知天命則天人一貫所謂一日豁然貫通而衆物之表裏精粗無不到吾心之全體大用無不明矣

六十而耳順

聲入心通無所違逆知之之至不思而得也

參朱子知天命猶思而得則是内外尚有扞格違逆處至三十則凡耳中所聞者其聲一入心即通其理而無凝滯不思而得極其順矣此知命以來又加十年若用力若不用力而即至乎此者

析講耳順是道理爛然外邊物理皆吾心所具故一毫入耳卽契于心不思而無不通也語類問無道理之言亦順否曰如何得都有道理無道理的也見他是那裏肯馳那裏欠缺那一邊道理是如何一見便落索都見了陳氏曰纔容少思而後得則是內外有違逆不得謂之順矣如未子聞滄浪之歌卽悟自取之義是耳順之誕也

七十而從心所欲不踰矩

從心

從隨也矩法度之器所以爲方者也隨其心之所欲而目不過於法度安而行之不勉而中也○程子曰孔子生而知者也言亦由學而至所以勉進後人也立能自立於斯道也不惑則無所疑矣知天命窮理盡性也耳順所聞皆通也從心所欲不踰矩則不勉而中矣又曰孔子自言其進德之序如此者聖人未必然但爲學者立法使之盈科而後進成章而後達耳胡氏曰聖人之教亦多術然其要使人不失其本心而已欲得此心者惟志乎聖人所示之學循其序而進焉至於一疵不存萬理明盡之後則其日用之間本心瑩然隨所意欲莫非至理蓋心卽體欲卽用卽義擊爲律而身爲度矣又曰聖人言此以示學者當優游洒沫不可驟等而進一以示學者當日就月將不可半途而廢也愚謂聖人生知安行固無積累之漸然其心未嘗自謂已至此也是共日用之間必有獨覺其進而人不及知者故因其近似以自名欲學者以是爲則而自勉非心寔自聖而始爲是退託也後凡言謙辭之屬意皆放此

桑大全今且七十矣凡學者逐一簡防省察時恐所欲之或乎規矩也今但從吾心之所欲不待簡點無所苟循而自不

踰乎規矩之外，此耳順而後十年之間無所用方，而從容自到。如春融凍釋，有莫知其所以然者。至此則始之所志者心期乎矩，而今之從心者順適乎矩矣。吾一生進德之序如此，過此以往又安知老之歸至乎。

析講仁山金氏

日矩心之天則也。朱子曰：聖人只是一箇天

理所謂從心所欲不踰矩。左來右去盡是天理如何？全快活。○聖人大約將平生爲學，進德處，分許多段說。十五志學，此學自是徹始徹終，到四十七不惑已。有耳順，從心不踰矩，意思但久而益熟耳。○胡氏：不失其本心，一假偶，好聖人只是要人日用之間着力，屏去私欲扶持此心出來。聖人立許多節事，是心所當爲，不要理沒了他。如修齊治平，皆要此心爲之。○此心皆自有許多道理，不待逐漸安排，入來聖人立許多節目，只要剔括自家心裏許多道理出來而已。○黃氏：日十一年而後一進者，亦聖人之心至此而自信。耳學雖已至而未敢自信，必反覆參驗，見其必然而無疑。然後有以自信。此尤足以見聖人之所以爲聖人也。故集註雖以勉人爲詞，而終以獨覺其進爲說。○淺說志學，兼知行立則能行而道得于己矣，不患知命耳。順以知言而行在其其中，不踰矩以行言而

知不必言矣。但知行並進，不能判然相離也。○從心者不必檢點，着意也。聖心本無欲，日所欲者是心一體，活潑流動作一用處也。且矩者，此心上理，自有至方至正，恰好矩度。聖人從心發出來，皆此至方至正，無一毫之踰。○是天理爛熟渾化，無迹者也。志學時已期到，此至是則始學之能事畢矣。

孟懿章全旨

隱叔正懿章，後起遇之問，而詳發其旨。俾懿章聞

而思之，以盡無違之孝，所重不在舉遇，總爲三家僭禮，發也違乎親也。使懿章多而能再問，可以發其旨矣。

孟懿章子魯太夫仲孫氏名何忌，無違謂不背於理。合叅昔三家僭禮之失，夫子欲救正之，久矣。一日，孟懿章問事親如何爲孝。子因微示其意曰：孝順德也。事親而能無所違，悖則可矣。其忘益謂不違乎理而非謂不。

析講註不肯于理，是貳透末節爲解。勿露。○懿章不問忠，而問孝，明欲以不違爲而爲者致之。親耳，就是不能以禮念頭。○無違，且淺說今順親意，點出終始意，不妨。○太全胡氏

孟懿章子問孝，子曰無違。

孟懿章字魯太夫仲孫氏名何忌，無違謂不背於理。合叅昔三家僭禮之失，夫子欲救正之，久矣。一日，孟懿章問事親如何爲孝。子因微示其意曰：孝順德也。事親而能無所違，悖則可矣。其忘益謂不違乎理而非謂不。

析講註不肯于理，是貳透末節爲解。勿露。○懿章不問忠，而問孝，明欲以不違爲而爲者致之。親耳，就是不能以禮念頭。○無違，且淺說今順親意，點出終始意，不妨。○太全胡氏

日三家皆魯桓公庶子初以仲叔季爲氏其後加以孫字公子之子稱公孫也仲改爲孟者庶子自爲少長不敢與莊公伯仲叔季子孫不敢祖諸侯也故自以庶長爲孟杜預作公子譜云仲慶父弑君故改爲孟

樊遲御子告之曰孟孫問孝於我我對曰無違

樊遲孔子弟子名須臾爲孔子御車也孟孫卽仲孫也夫子以懿子未達而不能問恐其失指而以從親之令爲孝故語樊遲以發之

參序懿子不能再問而退安知其不以從親之令爲孝乎樊遲爲夫子御車夫子因而告之曰孟孫嘗問孝于我我對曰無違不識孟孫果喻我意否也夫子此言殆欲發遲之間以伸其旨使懿子得聞也

析講我對曰句言孟孫倘喻無違之旨則不違得矣倘不能喻無違之旨無論違而失卽不違亦失矣旁述語意只在我對曰三字上轉旋○從親之全亦是無違但夫子所謂無違却在此

樊遲曰何謂也子曰生事之以禮死葬之以禮祭之以禮

生事葬祭事親之始終具矣禮卽禮之節文也人之事親自始至終於禮而五苟其尊親也至矣是時三家儻禮故夫子以是譽之然語意渾然又若不專爲三家發者所以爲聖人之言也○胡氏曰人之欲盡其親心雖無窮而分則有限得爲而不爲與不得爲而爲之均於不得爲而爲之而已矣

孝所謂以禮者爲其所得爲者而已矣
參序樊遲曰無違之旨何謂也子曰所謂無違只是不違乎禮而已蓋人子事親心雖無窮而分則有限隨其尊卑上下各有不可過之禮焉如生而事之凡定省奉養都以禮死而葬之凡附身附棺都以禮及後之祭之凡備物盡志都以禮自始至終毫不敢苟其尊親也至矣如是左記謂之無違而無歉于孝也不識懿子知之否乎

析講太全朱子曰爲所得爲只是合做的太夫以本夫之禮事親諸侯以諸侯之禮事親便是○或問三家儻禮其心豈

不以是尊榮其親，豈知一違于禮則反置其親于僭叛不臣之域而自限于莫大之不孝哉？夫子因其問孝，知其有受親之心，故以此告之。庶有所感發而能自改也。禮卽理也，不曰理而曰禮者，見得無過不及毫不可增損也。要謂切名分上講，此所謂禮只在爲所當爲，不可過分。上說○左傳孟僖子曰：禮人之幹也，無禮無以立。吾聞將有達者曰孔丘、聖人之後也。我若獲沒必屬說與，何忌于夫子使事之而學禮焉以定其位。故孟懿子與南宮敬叔師事仲尼。

武伯章全旨

此章見人子當守身以爲孝。武伯所問者人子事親之道。夫子則舉親心憂急其子之至切者告之。

孟武伯問孝。子曰：父母唯其疾之憂。

武伯

懿子之子名彘。言父母愛子之心無所不至，惟恐其有

疾病，常以爲憂也。人子體此而以父母之心爲心，則凡所以守其身者，自不容於不謹矣。豈不可以爲孝乎？舊說人子能使父母不以其陷於不義爲憂而已。

獨以其疾爲憂，乃可爲孝，亦通。

合參孟武伯問孝。子曰：親與予一心也。孝與慈一道也。欲盡人子事親之孝，當體父母愛子之慈。凡父母于子之愛之，切等則憂之，深然他事之憂尚有已時，惟憂子有疾病之念，常存而不忘。此其愛子之心，無所不至，如是人子體此心，以謹守其身，斯孝矣。

析講或問：父母惟其疾之憂，何故以告武伯？朱子曰：這許多所答也是當時那許多人各有那般病痛，故隨而救之，又日其他所答固是皆切。學者看此句較切。其他只就道理上說，這句分外于身心上指出，若能知愛其身，必知所以愛其父母。○盧齋云：憂字在無疾之先看，故曰無所不至。若有所不至，便不能預憂其疾矣。饒雙峰曰：非特有疾時憂，即無疾時亦憂。憂其愛護之不謹，而有以致疾也。陳新安曰：玩註凡所以守其身者，包得廣。謹疾固是守身，不失身于不義尤守身之大者。○按陳說則講謹疾處，正須推開一步，曉指世祿之曾潛，挽其驕楚，縱欲憤侈，滅義處，方見儆戒意。

子游章全旨

此見人子當以敬親爲孝。須提古之孝者能養，能敬，以形起今之孝，句養亦不可廢。但愛敬以行，養

耳

子游問孝子曰今之孝者是謂能養至於犬馬皆能有養不敬何以別乎養去聲別

彼列反

子游孔子弟子姓言名偃養謂飲食供奉也犬馬待人而食亦若養然言人畜人馬皆能有以養之若能養其親而敬不至則與養犬馬者何異甚言不敬之罪所以深警之也○胡氏曰世俗事親能養足矣但恩恃愛而不知其漸流於不敬則非小失也子游聖門高弟未必至此聖人直恐其愛踰於敬故以是深警發之也

合參子游在聖門簡易人也其事親必有失于不敬者一旦問孝故子告之曰能養能敬者古之所謂孝也今之世俗之所謂孝者但謂能奉養其親而已如徒以奉養爲孝豈但父母爲然凡一家幼以至戶犬馬亦皆能有以養之若養親而敬不至則何以別其爲養親乎欲盡孝道者當知所敬矣析講太全金仁山曰至下犬馬皆能有養作句讀至下字其上所該亦多謂自親而外如子弟奴僕以下至子犬馬

也故以至十二字包之然衆養中惟親最隆若不敬其親則親此養也親以外亦此養也而何以別乎蓋不但要別于犬馬并要别于衆養意此說不太追附參○此不敬就養時言兼内外說如誠意脫畧禮節粗疎是即所謂敬者一其心以承事之如曾子之養曾晳斯可謂真能敬者

子夏章全旨此章只重色難二字下俱輕不過申明惟色爲難

食音

饌曾是以爲孝乎

嗣

色難謂事親之際惟色爲難也食飯也先生父兄也饌飲食之也曾猶嘗也蓋孝子之有深愛者必有和氣有和氣者必有愉色有愉色者必有婉容故事親之際惟色爲難甲服勞奉養亦足爲孝也舊說承順父母之色爲難亦通○程子曰告懿子告衆人者也告武伯者以其人多可憂之事子游能養而或失於敬子夏能直義而或少溫潤之色各因其材之高下與其所失而告之故不同也

卷序 子夏問孝夫子以子夏直義人也其事親必少溫潤之色故告之曰事親之際有深愛之心存而和悅之色外著此最爲難故必有愉色然後爲孝若父兄有事而弟子服其勞子弟有酒與食而父兄飲食此則力所可勉者曾是足以爲孝乎是知事親當求之心也

析講語類敬大段是把當事聽無聲視無形色難是大段恭敬積得厚方能形見所以爲難勉強不得此二皆是因子游子夏之所短而進之○按上節主敬言此節主愛言故集註色字只貼以和氣愉色婉容程註亦云子夏直義少溫潤之色可見○陳新安曰愉悅也色見于面者婉順也容舉于身之儀容言之此三句禮記祭義篇之文○色根于心毫不可勉強色之愉都從心之愛發出來所以爲難服勞奉養雖人子所當爲然亦事親之常道無與于深愛之形而凡有財有力者皆可强而能也分明示予夏當於其難者圖之○

此章總是抑揚其詞以形容顏子悟道之妙非始疑其愚而終信其不愚也○存疑退是顏子退省

是夫子後省私不專在燕居獨處但退所爲不在夫子面前便是私發是發明夫子所言之理在身體力行上說

吾與章全旨

子曰吾與回言終日不違如愚退而省其私亦足以發回也不愚

回孔子弟子姓顏字子淵不違者意不相背有聽受而無問難也私謂燕居獨處非進見請問之時發謂發明所言之理愚聞之師曰顏子深潛純粹其於聖人體段已具其聞夫子之言默識心融觸處洞然自有條理故終日言但見其不違如愚人而已及退省其私則見其日用動靜語默之間皆足以發明夫子之道坦然由之而無疑然後知其不愚也

合參子曰天下有至明之人凡事無所疑而不必問亦有至愚之人其心不能疑而不知問今吾與回言而至終日之久論說煩多豈無一言之疑而待問者乎乃回也默然聽受不覲其有與吾言相違而有問難者卽其氣象如愚人焉耳矣

乃子回旣退而吾察其日用動靜語默之私凡吾言中之理回皆發明于躬行之間一一做得出來不差乃知回也回自之不違者默識心通而自無所疑豈真愚人也哉

析講大全蔡氏曰如愚處正是深潛純粹默識心融所在由

其於聖人體良已具故一言點化便都釋然而日用之間只管發揮出來○融字如消融相似如雪在湯中若不融一句只是一句如何發得出來○問亦足以發是顏子燕私之際將聖人之言發見于行事否曰固是雖未見于行事其理亦當有發見處○玩詁坦然由之而無疑屬行一邊不專在言論上說○如愚就不得不違上見之不愚就足發上見之與言終日見得其說煩其詞長必有疑問而問則有聽受而無問難夫子所謂是者彼亦全不見有未是處夫子所謂非者彼亦全不見爲非總似省不得的一般故曰如愚足發如發揮發見之發非以言語發明之也如語以勿視聽言動顏子真个集註謂坦然由之而無疑是他真个見得真个便去做亦足字對如愚說不對聰明才辯說不愚不必稱他智看來只是如愚下了一轉語○始也如愚人似無所發今省其私乃有啟發亦足以三字神情如此○朱子曰顏子所聞入耳着心布乎四體形平動靜則足以發明夫子之一言矣○輔慶源曰默識是不待言之而自喻其意心融是不待思惟而自與之爲一觸處洞然自有條理謂如行自家庭中路逕曲折器用安

視其章全旨

此章觀人之法始辨君子小人後則辨僞君子也上三節畧重察安邊末節總承言之以屬事由屬意安屬心視所以兼善惡觀所由單承所以之善者而觀其誠僞察所安単承所由之善者而察其安勉焉度重惡邊視觀察總就一人看看一个人直要看到底方定得君子小人有下步深一步意視在外觀在內觀在一時察在終身註中漸次加詳意宜玩究竟如此觀人非平日有知言窮理學問者不能集註引程子之言以補本文之意

子曰視其所以

以爲也爲善者爲君子爲惡者爲小人參大全文子曰欲有知人之明當有觀人之法入之所爲非善卽惡其始也必視其所爲之事是爲善的人是爲惡的人則人之太槩明矣

觀其所由

觀比視爲詳矣由從也事雖爲善而意之所從來者有未善

焉則亦不得爲君子矣。或曰：由行也，謂所以行其所爲者也。合參所以之不善者，固不必言矣。卽爲善的人，又須觀其意之所從來，果真寔而爲已者歟？抑矯飾以欺人者歟？果出于心之真寔，則善矣。不然，亦豈得爲君子？

析講存疑如齊桓尊周攘夷，何嘗不善？是以力假仁，全無寔心，便不得爲純主。

察其所安

察則又加詳矣。安所樂也，所由雖善而心之所樂者不在於是，則亦爲耳。豈能久而不變哉？

合參所由之不善，固不必言。卽所由善者，又須察其心中果樂善不倦，而安耽抑感，發于一時，而中寔勉強耶？果

出于心之所樂，則善矣。不然，豈能久而不變哉？

析講朱子曰：到觀其所由，有不善這，又勝得當下，便不是的。到察其所安，有不善這，又勝前二十項人，不是到這裏，便做不好人看。他只是不是他心肯意，肯必不會，有終。所安是，他平日存主習熟處，如平日愛倨傲，勉強，一時也恭敬，第一依舊，自倨傲了心方安。○按本文是察其所安勿講似察其所

不_レ安。○熊氏曰：所由，言意之所來，所安，言心之所安，意是發端，處心是全體處。○存疑如唐太宗聽言，納諫，銳意太平，意思儘好，只是懲隋以拒諫，而亡出千勉強，而非其心之所樂，故終不能久。晚年多敗德之事。

人焉度哉人焉度哉

度，所留反焉。

焉何也？度匿也，重言以深明之。○程子曰：在己。

者能知言窮理，則能以此察人如聖人也。合參據迹考心，卽顯微人方，篤于事而吾已窺事之由，人方飾于意而吾已見意之原持此觀人君子小人了然矣。何得度而匿哉？何得度而匿哉？人既不得而匿，

由此而取舍，由此而舉措，就得其當乎？此夫子示人以心得之學，故者當日所知的事理，新卽故中之新，可以爲師。全在知新，上可以者言，未至此不足以爲師。非以爲能，如是而爲師，有餘也。

子曰溫故而知新可以爲師矣

溫尋繹也。故者舊所聞，新者今所得。言學能時習舊聞，而每

有新得則所學在我而其應不窮故可以爲人師若夫詁問之學則無得於心而所知有限故學記

譏其不足爲人師正與此意互相發也

合叅子曰學者于所得之理有舊所聞者爲故今所得者爲新新卽在故中也不溫故未免廢棄遺忘而無所據以知新矣然徒能溫故不去玩索其義理而有新得則口耳之學其知有限安能待學者無限之求也惟于舊所聞見中搜尋道理引伸觸類每每有得其所未得者則義理自心得之而居安資深左右逢源自能隨叩而隨應矣于以爲師其亦可乎析講朱子曰記問之學只記得硬本子更不去裏面搜尋得道理記得十件只是十件記得百件只是百件這本便死殺了知新則就溫故中見得道理愈精勝似舊時引而伸之觸類而長之則常活不死殺溫故方能知新不溫故而求知新則亦不可得而求矣○新者只是故中的道理時習得熟漸漸發得出來且如一埋看幾個人來問就此一理上一人與說一個理都是自家就此理上推究出來所以其應不窮○朱公遷曰此爲人師者言之溫故知新論語中庸兩見之論語之所謂故是聞于人者中庸之所謂故是存于己者論

不器章全旨 論是卽其一理而推見衆理之無窮中庸是全其體統而益見脉絡之精微論語是一件事中庸是兩件事○溫故者月無忘其所能知新者日知其所亡譬之觀人昨日識其面今日識其心爲學如此便有引伸觸類之妙

此夫子以全才望天下也器如舟楫止宜于水車輿止瓦干陸各適于用而不能相通君子則衆長皆擅隨試輒效故不可以器名若優爲趙孟不可爲滕華之類便是固于器矣不器就用上說

講作道形而上器形而下便非

子曰君子不器

器者各適其用而不能相通成德之士體無不具故用無不周非特爲一材一藝而已

參大全子曰人之可以器者拘于材之有限者也若君子則得平天者全養于己者裕其由體而達之用者經權各當大小並效豈特爲一材一藝而止以

器名者哉人亦求爲君子而可矣

析講黃氏曰用無不周見君子之不器體無不具原君子之

所以不器也。○體無不具，卽在君子，字內器字亦不可太淺，看如子責之才，夫子只以器詎之，不器已到時中地位。

子貢章全旨

此章只是重行意，不以言行平看先行矣。雖不言亦可也。其曰而後從之，只見得行之爲重耳。要連

上文爲一句看

子貢問君子。子曰先行其言而後從之。

周氏曰：先行其言者，行之於未言之前，而後從之者，言之於既行之後。○范氏曰：子貢之愚非

高之難，而行之難，故告之以此。

參大全子貢問君子，子曰：君子者亦于言行之間知所先後而已。故于事之未行，不遽言也；必加以遠踐之功，于理所當言，而未言者，先以體之于行，及其行之已至，然後時可以言而言，乃其力行所及，而言從之也。未言而行，則行無不及；旣行而言，則言非有餘，此所以爲躬行。

之君子與賜亦法君子之先行，可矣。

析講此以君子之重行進子貢也。朱子云：子貢平日多言不免有行不到而先說到處，故夫子告以云云，只重行上後言。

子引所謂言者，如曰仁曰義之類。

君子章全旨
此章見君子小人之德，人有公私之別，要知周與非間，如何，左可造君子也。○蒙

便不是周非相似而實不同之意也。

子曰君子周而不比，小人比而不周。

二反

周普偏也，比偏黨也，皆與人親厚之意，但周公而比私耳。○君子小人所爲不同，如陰陽晝夜每每相反，然究其所以分，則在公私之際毫釐之差耳。故聖人於周比和同，驕泰之屬，常對舉，而互言之，欲學者察乎兩間，而審其取舍之幾也。參大全子曰：君子小人皆有與人親厚之意，但其立心不同。君子心公而大用，愛周偏隨其親疎厚薄，凡屬善類，而爲理所當厚者無一人不在所愛之中，而不相比。小人心狹，而常私，只是揀擇偏比，或以勢，或以利，但見同于二者，與之不，同于己者惡之，而不能周普君子小人。之待人不同，如此學者其可不辨乎。

析講麟土云君子二字空小曠言惟君子故周而不比也昔子不器亦然不要滑口讀過了○子貢問君子子曰先行其言而後從之是論君子不止論言行也子路問君子子曰修己以敬亦然大段論語所載不過議論問答兩端如君子不器周而不比之類議論也子貢問君子子曰先行其言之類問答也若忘了問答俱如無端自起議論便不是○朱子云君子之周以理矩有百人于此君子本心則皆愛之若其中有一二不善者君子亦須去之終不失其爲愛衆也况去一二惡人而衆受其利何往而非周小人便分同異雖明黨至千百終不免是比○周比在接物上見和同在共事上見驕泰在處已上見○君子小人同上與人親愛也自其無所不愛者謂之周自其有所偏愛者謂之比二者寔相反也

學而章全旨

此章見學思不可偏廢偏廢則各有中

其弊也上句重不思下句重不學

子曰學而不思則罔思而不學則殆

不求諸心故昏而無得不習其事故危而不安○程子曰博學審問慎思明辨篤行五者廢其一非學也

合參子曰天下之理散于萬事而會于吾心惟其散于萬事故貴有致知力行之功惟其會于吾心故貴有玩索研窮之力思學不可偏廢也學而思則知益精思而學則守益通徒學而不思其理則拘守成法僵事只耳之功其所學亦粗迹耳故昏而無得徒思而無踐履之寔不倦事上體察其所思者亦想像之虛見耳故危而不安思與學可不交書哉

析講王守溪

云學是習其事有循習躬行意如學禮便要演學書便要寫學射便要操弓學而不思得亦不知其所以得失亦不知其所以失昧昧而已思而不學知禮而不演書而不動筆射而不操弓只胆心想像覺無憑據此喻最切富○

或問固者其心昏昧雖安于所安而無自得之見始者其心俱兼知行如明其理知也效其所爲行也

子曰攻乎異端斯害也已

范氏曰攻專治也故治木石金玉之工曰攻異端非聖人之

攻乎章全旨

此示人當正其所學

而不可他用其心也

道而別爲一端，如楊墨是也。其率天下至於無父無君專治而欲精之爲害甚矣。○程子曰：佛氏之言比之楊墨尤爲近。

淫所以其害爲尤甚。學者當如淫聲美色以遠之。不爾則驟驟然入於其中矣。

參淺說子曰：吾道太中至正，異端似是而非。若學者于異端

喜其說之新，樂其行之異，專治而欲精之，則其說近理而愈足，以惑人。不惟內不足以修己，將率天下之人。

陷于邪妄之歸而莫之覺。其爲害何如也哉？

析講程氏曰：百家衆技不能相通，是曰小道邪說謬行戾乎正道。是曰異端。○害兼人已，心術政事人心世道俱受其害，也異端泛說外平聖人之中道便是異端也。攻字重看故集

註以專治欲精釋之

益不精

則淺陋易見不甚動得人

子曰由誨女知之乎。知之爲知之。不知爲不知。是知也。

女音汝。○由，孔子弟子，姓仲，字子路。子路好勇，蓋有強其所不知以爲知者。故夫子告之曰：我教女以知之之道乎？但所知者則以爲知，所不知者則以爲不知。如此則雖或不能盡知，而無自欺之蔽，亦不害其爲知。

矣况由此而求之，又有可知之理乎？

參大全子路粗暴見事便自說曉得子呼而告之曰：由吾譏安生以知之之道乎？夫所貴于知者非曰盡天下之理而無以之不知也。汝自考其心，凡于義理事物之間，果其知之，卽以爲知；之誤有不知，心以爲不知。本心之靈毫不自欺，此便是知也。况以此真寔之心，從事于學問思辨，何難？物格知至，誠析講無自欺以蔽其知，固自明矣。若不說求其知，一着是使人安于所不知也。故程子說出此意，經意左完。○許氏曰：章內六知字不同，上下兩知字總言心之知，中間四知字指一事之知。○存疑子路以不知爲知，原他初不悟，已不知，分明是以已爲知，自聖人看他見其不知耳。朱註：强不知以爲知，及自欺當如此看。○按：無自欺，正解是知求其知，是進爲丁。

由誨章全旨

此夫子以心之真知教子路也。夫子之意見得真知無過自知。若知與不知自家心裏明白，此便是知。蓋恐子路此病未去，以進于知也。故淺淺地說个知，意思二爲字乃心中體認之意。知之一句重不下，一邊是知，只在下不自欺其。

心之明上見

卷之六

層餘意○子路強不知以爲知非明知下是強要遮飾也序認理未真偏執意見如見南子往佛門迂正名死衛輒之類

彼皆自謂見得極是然由夫子言之則強所不知也此只坐知不真耳○知之爲知之當重上知之二字不知爲

不知當重下爲不知三字都號強不知以爲知看

于張章全旨

此章見學貴自修爲子張務外而教之也多聞之下句正教以寔心爲已之學而未苟帶言祿卽在于此耳正以在中字抹殺他于字不是教以得祿之道未苟不必專重○于祿之學是謂祿在學之外而必待于于夫子之意是謂祿在學之中而不必于于中如云本爲此而反得彼之詞須云學至而祿亦至則嘉言懿行之學緣是以彰此吾之常也固不必于也卽學至而祿不至則謹言慎行之功爲之益力此吾之分也亦不必于也方得立言本旨

子張學于祿

子張孔子弟子姓顓孫名師于求也祿仕者之奉也

參大全記者謂人之爲學本是要立身不是要求祿子張爲

學意在于于祿是不全告理會已身上事

子曰多聞闕疑慎言其餘則寡尤多見闕殆慎行其

餘則寡悔言寡尤行寡悔祿在其中矣 行寡之

而先萌其利祿之心未免馳驚于外矣

析講于祿只是此心未忘便去求知于外不要太說壞了

呂氏曰疑者防未信殆者所未安程子曰尤罪自外至者也悔理自內出者也愚謂多聞見者學之博闊疑殆者擇之精慎言行者安之約凡言在其中者皆不求而自至之辭言此以救子張之失而進之也○程子曰脩天爵則人爵至君子子言行能謹得祿之道也子張學于祿故告之以此使定其心而不爲利祿動若顏閔則無此問矣或疑如此亦有不得祿者孔子蓋曰耕也餓在其中惟理可爲者爲之而已矣

參朱子子教之曰君子學以爲已而已凡人處已之接物莫大千言行聞見所以爲言行之資也聞見不多則無可擇必遠積近述華天下古今之言而聞之自少聞而積之多聞多聞而擇之精其中不無可疑者則闕之而不言其餘所不疑者猶必慎言之如是則所言當理而天下不至以言罪我雖未

敢必其絕無可尤亦庶乎其寡尤必旁觀博覽盡天下古今之行而見之自少見而積之多見多見而機之精其中不無未安者則闕之而不行其餘所已安者猶必慎行之如是則所行當理而吾心可以自慊雖未可必其絕無可悔亦庶乎其寡悔夫言果能寡尤行果能寡悔人自見知或以言揚或以行舉得祿的道理在其中矣君子亦修其在己而已祿之得與不得豈其所計哉

析講朱子曰多聞多見人都輕說過公殊不知此正是全用功處不然則聞見孤寡不足以爲學矣出言或至傷人故多尤行有不至己必先覺故多悔○聖人只教他謹言行因帶說着祿聖人不教他于但云得祿之道在其中正是要抹殺他于字○多闕慎是三截事若人少聞寡見則不能參考得上是處故聞見要多若聞見已多而不闕疑殆則胡亂把不是一底也將來作是了既闕疑殆而又未能謹其餘則必有尤悔○陳新安曰人以我爲尤故曰罪自外至我自知其非理而悔之故曰理自內出○註中博精約三意俱不可少而本意尤重擇構守約上須要謹得鼎酌○闕疑闕殆如似仁而寔非仁似義而寔非義或稽之載籍真昧眞或得之傳聞有未

確此等的言不無可疑如州往有似於勇而是非理之所當爲退縮有似于慎而寔非義之所當止此等的

行不無未安寡尤寡悔承上多闕慎三層意來

哀公章全旨

此章見人君當服民以義欲哀公攬舉錯之權而公用舍也當時三家恣橫舉錯失宜故夫子因問

而及之通重一義字義者天下之公理舉錯得義則可以服人心之公而民自服服者服其義也

則字有不必驅之以政齊之以刑意

哀公問曰何爲則民服孔子對曰舉直錯諸枉則民服舉枉錯諸直則民不服

哀公魯君名蔣凡君問皆稱孔子對曰者尊君也錯捨置也諸衆也程子曰舉錯得義則人心服○謝氏曰好直而惡枉天下之至情也順之則服逆之則去必然之理也然或無道以照之則以直爲枉以枉爲直者多矣是以君子大居敬而貴窮理也

合參哀公問曰何爲則民服意只要人畏服他孔子告之曰

人君治民自有所當爲者亦在公其用舍而已直者民心之同好義所當舉者也枉者民心之同惡義所當錯者也誠舉二夫真錯夫枉則合乎人心之公民自悅服人君服民亦爲此而已若夫舉夫枉錯夫直則拂乎人心之

公雖欲民服而民不服也可徒求之民哉

析講是便是直非便是枉民服謂無有心非私議也直枉盡立心制行說虛齋云所行順乎正理者爲直拂乎正理者爲枉慎舉錯正應他爲字鹿野云舉直不獨在野者凡見用者皆直也錯枉不獨在朝者凡見棄者皆枉也

康子章全旨

問意重使字是專責于民答意重則字欲自盡其在己則者言其不待使也

季康子問使民敬忠以勸如之何子曰臨之以莊則敬孝慈則忠舉善而教不能則勸

季康子魯大夫季孫氏名肥莊謂容貌端嚴也臨民以莊則民敬於己孝於親慈於衆則民忠於己善者舉之而不能者教之則民有所勸而樂於爲善○張敬夫曰此皆在我所當

爲非爲欲使民敬忠以勸而爲之也然能如是則其應益有不期然而然者矣合參季康子問欲使民敬我忠我而又皆勤于爲善如之何子曰民不可使而可化而化之之權仍自上操之耳民不我敬毋徒日民敢慢上也其或臨之不以莊平臨民以莊則有威可畏有儀可象我既盡其作民敬之道不必使之敬而民自敬于我矣民不我忠毋徒曰民敢悖上也其或未能孝慈乎孝于親慈于衆則其德足以爲民之表其恩足以結民之心我既盡其作民忠之道不必使之忠而民自忠于我矣民不相勸毋徒日民不可訓也其或未之舉教乎善者舉之而不能者教之我既盡其勸民之道則善者益進而不怠而不能者亦將勸勉而企及奚待使之而後勸乎子大夫亦求之在己而已

析講大全文朱子曰莊只一个字孝慈是兩件事孝是以身率之慈是以恩結之二者須一齊有民方忠已若只孝而不慈或徒慈于衆而無孝于親様子亦不得善者舉之不善者便子棄之民不能便勸惟舉其善者而教其不能者所以皆勸○莊合衣冠瞻視嚙笑言動皆在舉善如論秀書升表厥宅里

皆是教不能如匡直輔翼皆是舉善則有以鼓其爲善之心，教不能則有以示其進善之路。勸字寬說勿限定爲我舉教之人。

或謂章全首

此或人勉夫子以爲政之事夫子則告之以爲政之道見爲政必先于正家正家而爲政之道不外是矣。

或謂孔子曰子奚不爲政

定公初年孔子不仕故或人疑其不爲政也。合參定五年以前夫子不仕故或人問曰魯君當新政之時夫子抱爲政之具何不出仕而爲政乎不知孔子待賈而沽固不輕仕而當時魯事之非其于倫紀之間慟德多矣夫子所以不仕也。

析講集解包曰或人以居位乃爲政○附錄胡傳

元年必書

正月謹始也定何以無正月昭公薨于乾侯不得正其終定公制在權臣不得正其始魯于是曠年無君春秋雖欲謹之而不可得也蓋季氏廢太子衍及務人而立大子即定公宋宋者昭公之弟其主社稷非先君所命而專受之於意如者也○定公既立不能爲昭公復仇而誅季氏反以立己爲德而寵秩

之其後又從季氏之言葬昭公魯道南不與魯先君同兆孝友安在孔子一出自當以正倫紀爲先而勢有不行故不仕○又史記孔子世家定公九年孔子爲中都宰遂爲司空又爲大司寇十年相定公會諸侯于夾谷十四年攝行相事註所謂定公初年者謂八年以前也

子曰書云孝乎惟孝友于兄弟施於有政是亦爲政

奚其爲爲政

書周書君陳篇書云孝乎者言書之言孝如此也善兄弟曰友書言君陳能孝於親友於兄弟又能推廣此心以爲一家之政孔子引之言如此則是亦爲政矣何必居位乃爲爲政乎蓋孔子之不仕有難以語或人者故託此以告之要之至理亦不外是

參序孔子不仕之故有難以語或人者託詞曰子疑我不爲政亦知書所云孝乎周書謂君陳惟汝孝于親以友于兄弟又推廣此孝友之心而辨内外明尊卑以爲一家之政使一家之人皆知之讓各得其所焉書之所言如此正以政者正

也人能盡孝友以正家如是是亦能正已以正人而爲政矣何必居位治民乃爲政乎

析講

大全朱子曰惟孝友于兄弟謂孝然後反友然後政其

序如

此能推廣此心以爲一家之政便是齊家緣下面有一人是亦爲政故不是國政○張氏曰孝于親則必友于兄弟

孝友篤于家則施于有政亦是心而已矣雖不爲政而家庭間躬行孝友爲政之道自在是矣○此夫子明政在正人不無承書意來亦字對正國言蓋政者正也以己之正帥國之人是固爲政也以己之正帥家之人是亦爲政也人爲我所正卽是有政我有以正人即是爲政奚其云云此句緊連上說正答不爲政之間勿認作家國一理意而謂正家卽以正國也通節雖是隱射魯事見魯君當以

孝友成治意然正家卽是政却是寔理

人而章全旨

此夫子慨人心之不誠而甚言不可行以儆之也不知其可句已含難行之意似詰問他如何是好意

譬喻左决言其不可行其何以行句

子曰人而無信不知其可也大車無輗小車無軺其何以行之哉

輓音月

大車謂平地任載之車輓輶端橫木縛輶以駕牛者小車謂田車兵車乘車輓輶端上曲鈎衡以駕馬者車無此二者則不可以行人而無信亦猶是也

參邢疏子曰信乃人生之本身世之相孚者全係平此若人而無有信實之心則言行皆妄無以爲持身接物之基豈不知其何如而可也何則人必有信而後可行如車必有輗輶而後可行也設使大車無輗則不能駕牛小車無輶則不能駕馬其車何以得行之哉言必不能行也人而無信亦不可行何以異是如之何其可也

析講

大全許氏曰輓輶是車與牛馬接處信是已與人接處

此喻最切○末句指車講正意在外○無信總是不誠寔不單就言論上說○考士記車人爲車大車崇九尺鄭云平地在載之車載長半柯者也兵車革路也田車木路也乘車王

路金路象路也

子張章全旨

子張欲知來以數夫子論知來以理通章總重禮字禮所以維世世雖變禮必不變所以可知舉三代相因之迹見理合如此從古皆然後世自無不然聖人執理以俟後聖更百世不易也至誠前知亦惟理耳

子張問十世可知也

陸氏曰也一作平○王者易姓受命爲世子張問自此以後十世之事可前知乎

參序子張問有一代之興必有一代之事自此以後十世之事可前知也乎

析講子張所問如國祚有修短時運有興衰皆欲前知之意在得數也○此世字指王者易姓受命言非三十年爲一世之謂也

子曰殷因於夏禮所損益可知也周因於殷禮所損益可知也其或繼周者雖百世可知也

馬氏曰所謂三綱五常所損益謂文質三統愚按三綱謂君爲臣綱父爲子綱夫爲妻綱五常謂仁義禮智信文質謂夏尚忠商尚質周尚文三統謂夏正建寅爲小統商正建丑爲地統周正建子爲天統三綱五常禮之大體三代相繼皆因之而不能變其所損益不過文章制度小過不及之間而其已然之迹今皆可見則自今以往或有繼周而王者雖百世之遠所因所革亦不過此豈但十世而已乎聖人所以知來者蓋如此非若後世識緯術數之學也○胡氏曰子張之間益欲知來而聖人言其既往者以明之也夫自脩身以至於爲天下不可一日而無禮天敘天秩人所共由禮之本也商不能改乎夏周不能改乎商所謂天地之常經也若乃制慶文爲或太過則當損或不足則當益益之損之與時宜之而所因者不壞是古今之通義也因往推來雖百世之遠不過如此而已矣

參序子曰欲知未來當觀已往彼殷繼夏而有天下者也于三綱五常之大禮固因乎夏而不變至其所爲損太過益不及如易尚忠而尚質易建寅而建丑之類載在典籍亦皆有已然之迹可知也周繼殷而有天下者也于三綱五常之大

禮亦因乎殷而不變。至其所爲損太過，益不及。如易尚質，而尚文易建丑，而建子之類，在方策亦皆有已然之迹，可知也。

夫綱常亘萬古，如一日。制度隨時世而改更，究之，損益不過。因中之損益，固可知。損益亦可知。此一定之理也。豈獨三代爲然哉？自此以後或有繼周而王者，雖百世之遠，其所

因所革亦猶殷之于夏，周之于殷，無不可得而前

知者。豈但十世已乎？子欲知來亦知生之以禮而已。

析講此章，因字最重。所謂損益亦只是要扶持這個三綱五常，正所以善其因也。故總曰可知。

譜類

三代之禮太槩都相因了。所損也。這損得只些個所益也。只益得這些個。此所

以百世可知也。○繼周者秦是大無道之世，畢竟是始皇爲君。李斯等爲臣，始皇爲父。胡亥爲子。三綱五常地位占得了，便是一損益亦不多。○朱子云：損益是因中事制度文爲。亦只是綱常中事。如秦繼周，雖損益有所未當。然三綱五常終變不得。古人未嘗不尊君抑臣。秦人因之，但尊者益之，而過尊卑者損之，而過卑耳。古人未嘗不德刑，並用秦人因之，但德則損之，又損刑則益之，又益耳。○所因之禮，是天做底。萬世不可易。所損益之文章制度，是人做底。故隨時變更。○忠

實文亦天下之勢，即有此三者。非聖人欲尚忠尚質尚文也。然彼時亦無此名字。後人見得如此，故命此名。○新安陳氏曰：正謂正月也不正，一月而且正月者，取王者居正之義。迭變，以爲正月故。日夏正商正周正。○前兩可知，稍已往可驗。說百世可知，指未然可知。說益因往以知來理，寔有可據也。玩百世可知，註云：所因所革，不過如此。則上兩可知，俱兼因革言。但子張問：可知意只在制度文爲上。故兩可知。只帶所損益說。今只走落云：其所因者固可知也。其所損益者亦可知也。方兩得之矣。○盧齋曰：所損益亦不但文質三統以養民之政言，如夏貢殷助周徹之類，皆制度文爲也。以養考之政言，如王制夏后氏養老以享禮，殷人以寔禮，周人修學而兼用之之類，亦其制度文爲也。○何以見百世可知誠思。今自所有餘者，何在？則後之所損可知。損之不已，則復爲益之端可知。誠思今日所不足者，何在？則後之所益可知。益之不已，則復爲損之端可知。總以禮之因革，知之也。百世正對他，十世言其或，字有尊周意。

非其章全旨

誦生于非字無勇生于見字俱就上文直斷之不

四書正義 卷之二 言
作_サ推_サ原_サ語_サ欲_サ人_サ不_サ感_サ于_サ鬼_サ神_サ之_サ不_サ可_サ
知_ル而_ル惟_ル用_カ于_カ人_カ道_カ之_カ近_カ冥_カ焉_カ

子曰非其鬼而祭之謖也

非_ス其_ス鬼_ス謂_フ非_ス其_ス所_レ當_ル祭_ル之_ス鬼_ス謖_ル求_ム媚_ル也
合_ハ參_ス子_ス曰_フ鬼_ス神_ス有_ス所_レ當_ル祭_ル者_ス有_ス不_レ道_ル祭_ル者_ス若_ス非_ス已_ス所_レ當_ル參_ル之_ス
鬼_ス則_フ我_ス之_ス精_ク誠_ク神_ス氣_ス與_ス彼_ス不_レ相_ス屬_ル而_ス
強_ク祭_ル之_ス希_ム福_ス之_ス心_ス勝_ル也_ス非_ス謂_フ而_ス何_ス
析_ス講_ス朱_子曰_フ如_ス天_子祭_ス天_地諸_侯祭_ス山_川大夫_祭五_祀庶_人
祭_ス其_ス先_ラ上_ラ得_ス以_ス兼_ス平_ラ下_ラ不_ス得_ス
以_ス兼_ス平_ラ上_ラ也_ス其_ス字_ス指_ス祭_ス者_ス而_ス言_ス

見_ム義_ス不_ス爲_フ無_ス勇_ス也

知_テ而_ル不_ス爲_フ是_ス無_ス勇_ス也

參_ス序_ス天_下惟_ス義_ス最_ス所_レ當_ル爲_フ苟_ス明_ク見_ム義_ス所_レ當_ル爲_フ之_ス事_ス便_ス當_ス着_ス寔_ス
去_ス做_ス乃_ス退_ス怯_ス而_ス不_ス爲_フ是_ス曾_ス中_ス不_ス免_ス私_ス意_ス牽_ス滯_ス而_ス無_ス浩_ス然_ス之_ス氣_ス
矣_ス非_ス無_ス勇_ス而_ス何_ス世_ス之_ス譖_ス瀆_ス鬼_ス神_ス不_ス務_ス民_ス義_ス者_ス可_ス以_ス做_フ矣_ス
析_ス講_ス非_ス鬼_ス而_ス祭_ス有_ス求_ム媚_ス要_ム福_ス之_ス心_ス也_ス見_ム義_ス不_ス爲_フ無_ス勇_ス敢_ス直_ス前_ス

之志_ス也_ス見_ム字_ス當_ス玩_ス不知_ス而_ス不_ス爲_フ是_ス不_ス智_ス也_ス知_ス而_ス不_ス爲_フ非_ス無_ス勇_ス
而_ス何_ス然_ス亦_ス說_ス不_ス得_ス真_ス知_ム見_ム益_ム真_ス知_ム
失_ス無_ス不_ス爲_フ之_ス理_ス只_ス是_ス明_ク自_ス曉_ム得_ム而_ス已_ス

論語卷之一

早稻田大学図書館

011888004027